

四庫全書

史部

欽定四庫全書

史部

資治通鑑一百六十三

詳校官修撰臣錢棨

洗馬臣王坦修覆勘

總校官知縣臣楊懋珩

校對官中書臣葉蘭

膳錄監生臣龔際美

欽定四庫全書

資治通鑑卷一百六十二

宋

司馬光 撰

胡三省 音註

梁紀十八

房維大統
落凡廿年

高祖武皇帝十八

大清三年春正月丁巳朔柳仲禮自新亭徙營大桁會

大霧韋粲軍迷失道比及青塘

比必利翻

夜已過半立柵未

合侯景望見之亟帥銳卒攻粲

過工未翻
帥讀曰率

粲使軍主鄭

逸逆擊之命劉叔盾以舟師截其後

截其渡淮之路

叔盾畏懦

不敢進逸遂敗景乘勝入寨營左右牽祭避賊祭不動

叱子弟力戰遂與子尼及三弟助警構從弟昂皆戰死

從才用翻

親戚死者數百人

史言韋祭忠勇

仲禮方食投箸被甲與

其麾下百騎馳往救之

箸竹助翻被皮義翻騎奇寄翻

與景戰於青塘

大破之斬首數百級沈淮水死者千餘人

沈持林翻

仲禮稍

將及景

稍色角翻

而賊將支伯仁自後斫仲禮中肩馬陷于

淖

支伯仁當作支化仁將即亮翻下同中竹仲翻淖奴教翻泥也

賊聚稍刺之騎將郭

山石救之得免仲禮被重瘡會稽人惠琚吮瘡斷血

刺七

亦翻被皮義翻琚祖悶翻吮祖充翻

故得不死自是景不敢復濟南岍

復扶

又翻下不復綸復同

仲禮亦氣索

索蘇各翻

不復言戰矣邵陵王綸復

收散卒

邵陵王綸敗走見上卷上年

與東揚州刺史臨城公大連新

淦公大成等自東道並至

淦古暗翻

庚申列營于析南亦推

柳仲禮為大都督大連大臨之弟也朝野以侯景之禍

共尤朱异

朝直遙翻

异慙憤發疾庚申卒

考異曰梁帝紀作乙丑今從太清

紀典略

故事尚書官不以為贈上痛惜异特贈尚書右僕

射甲子湘東世子方等及王僧辯軍至

考異曰梁帝紀作戊辰今從

太清紀

戊辰封山侯正表以北徐州降東魏東魏徐州

刺史高歸彥遣兵赴之歸彥歡之族弟也 己巳太子

遷居永福省

永福省在禁中自宋以來太子居之取其福國于有永也

高州刺史李

遷仕

五代志高涼郡梁置高州

天門太守樊文皎將援兵萬餘人至

城下臺城與援軍信命久絕有羊車兒獻策作紙鴟

紙鴟

即紙鷂也今俗謂之紙鷂鷂丑之翻

繫以長繩寫勅於內放以從風冀達

衆軍題云得鴈送援軍賞銀百兩太子自出太極殿前

乘西北風縱之賊怪之以為厭勝射而下之

厭於協翻射而亦翻

援軍募人能入城送啟者鄱陽世子嗣左右李朗請先受鞭詐為得罪叛投賊因得入城城中方知援兵四集舉城鼓譟上以朗為直閣將軍賜金遣之朗緣鍾山之後宵行晝伏積日乃達癸未鄱陽世子嗣永安侯確莊鐵羊鵝仁柳敬禮李遷仕樊文皎將兵度淮攻東府前柵焚之侯景退衆軍營於青溪之東遷仕文皎帥銳卒五千獨進

帥讀曰率

深入所向摧靡至菰首橋東

橋在青溪上菰音孤

拔首今人謂之茭白

景將宋子仙伏兵擊之

將即亮翻下同

文皎戰死遷

仕遁還敬禮仲禮之弟也仲禮神情傲狠陵蔑諸將邵

陵王綸每日執鞭至門亦移時弗見

凡部將見諸帥執鞭以為禮狠戶望

翻由是與綸及臨城公大連深相仇怨大連又與永安

侯確有隙

永安本漢縣順帝陽嘉元年更名永安魏晉屬平陽郡江左僑立南河東郡併僑立永

安縣屬荊州注又見前

諸軍互相猜阻莫有戰心援軍初至建康

士民扶老攜幼以候之纔過淮即縱兵剽掠

剽匹妙翻

由是

士民失望賊中有謀應官軍者聞之亦止

史言臺城覆陷之由

王顯貴以壽陽降東魏

侯景命王顯貴守壽陽見上卷上年

臨賀王記

室吳郡顧野王起兵討侯景二月己丑引兵來至初臺

城之閉也公卿以食為念男女貴賤並出負米得四十

萬斛收諸府藏錢帛五十萬億並聚德陽堂

藏徂浪翻

而不

備薪芻魚鹽至是壞尚書省為薪撒薦坐以飼馬薦盡

又食以飯

薦以藁秸為之所以藉寢壞音怪飼食並詳吏翻

軍士無腴

腴戶皆翻脯也

又肉食肴

或煮鎧熏鼠捕雀而食之

鎧可玄翻

御甘露厨有乾苔

味酸鹹分給戰士

釋氏謂營膳之所曰甘露厨乾音干苔生于海其形如髮春二三月間海

人採取之成片納土窖中出而曬之令乾南人多食之

軍人屠馬於殿省間雜以

人肉食者必病侯景衆亦飢抄掠無所獲

抄楚文翻

東城有

米可支一年

東城即東府城

援軍斷其路

斷音短

又聞荊州兵將

至景甚患之王偉曰今臺城不可卒拔援兵日盛吾軍

乏食若偽求和以緩其勢東城之米足支一年因求和

之際運米入石頭援軍必不得動然後休士息馬繕脩

器械伺其懈怠擊之一舉可取也

伺相吏翻

景從之遣其將

任約于子悦至城下拜表求和乞復先鎮

將即亮翻任音壬先鎮謂

壽陽時已降齊矣

太子以城中窮困白上請許之上怒曰和不

如死太子固請曰侯景圍逼已久援軍相仗不戰

仗除兩翻

宜且許其和更為後圖上遲回久之乃曰汝自圖之勿

令取笑千載遂報許之

太子綱疑范桃棒之來降而信侯景之請和何其昧也載子亥

翻景乞割江右四州之地

江右四州南豫西豫合州光州

并求宣城王

大器出送然後濟江中領軍傅岐固爭曰豈有賊舉兵

圍宮闕而更與之和乎此特欲却援軍耳戎狄獸心必

不可信且宣城嫡嗣之重國命所繫豈可為質

梁之智士唯傅

岐一人而已
質音致下同

上乃以大器之弟石城公大款為侍中出

質於景又勅諸軍不得復進

復扶
又翻

下詔曰善兵不戰止

戈為武可以景為大丞相都督江西四州諸軍事豫州

牧河南王如故己亥設壇於西華門外遣僕射王克上

甲侯韶吏部郎蕭瑤

韶帝室也封上甲侯宋白曰江州
德安縣本蒲塘場晉建興初始以

為郡領尋陽上甲柴桑九江等縣義熙中以尋
陽入柴桑上甲入彭澤瑤七何翻又七可翻

與于子

悅任約王偉登壇共盟太子詹事柳津出西華門景出

柵門遙相對更殺牲歃血為盟

更工衡翻
歃色甲翻

既盟而景長

圍不解專脩鎧仗

鎧可亥翻

託云無船不得即發又云恐南

軍見躡

援軍時皆屯秦淮南岸故謂之南軍

遣石城公還臺求宣城王出

送邀求稍廣了無去志太子知其詐言猶羈縻不絕韶

懿之孫也庚子前南兖州刺史南康王會理前青冀二

州刺史湘潭侯退西昌侯世子或衆合三萬至于馬印

洲

馬印洲蓋即今王家沙老鸛嘴一帶紀作丁未今從太清紀典略典略云至于琅邪今從

考異曰梁帝

太清紀梁帝紀按晉置琅邪郡於江乘蒲洲上即前所謂令王家沙也

景慮其自白下而

上

上時掌翻

啓云請北軍聚還南岸

以地望言之馬印洲在臺城之北故云北軍南

岸即謂秦淮南岸

不爾妨臣濟江太子即勒會理自白下城移

軍江潭苑

考異曰梁帝紀作蘭亭苑今從太清紀興略

退恢之子也辛丑以

邵陵王綸為司空鄱陽王範為征北將軍柳仲禮為侍

中尚書右僕射景以子悅任約傅士慙皆為儀同三

司

慙與哲同

夏侯諸為豫州刺史

諸補過翻

董紹先為東徐州刺

史徐思玉為北徐州刺史王偉為散騎常侍

散慙覽翻騎奇奇翻

上

以偉為侍中乙卯景又啟曰適有西岸信至

大江西岸即歷陽

高澄已得壽陽鍾離臣今無所投足求借廣陵并譙州

侯得壽陽即奉還朝廷又云援軍既在南岸須於京口

度江太子並荅許之癸卯大赦庶戍景又啟曰永安侯

確直閣趙威方頻隔柵見詔云天子自與汝盟我終當

破汝乞召侯及威方入即當引路

言引兵就路還北詔古侯翻又許侯翻

上遣吏部尚書張綰召確辛亥以確為廣州刺史威方

為盱眙太守

盱眙音吁怡守手又翻

確累啟固辭不入上不許確

先遣威方入城因欲南奔

確蓋欲南奔荆江二鎮

邵陵王綸泣謂

確曰圍城既久聖人憂危臣子之情切于湯火故欲且

盟而遣之更申後計成命已決何得拒違時臺使周石

珍東宮主書左法生在綸所

使疏吏翻下同

確謂之曰侯景雖

云欲去而不解長圍意可見也今召僕入城何益于事

石珍曰勅旨如此郎那得辭確意尚堅綸大怒謂趙伯

超曰譙州為我斬之

為于偽翻

持其首去伯超揮刃眊確

眊眊

見翻目斜視也

曰伯超識君侯刀不識也確乃流涕入城

景凡所請

上父子無不從求以却其攻乃所以速其攻也

上常蔬食及圍城日久上厨蔬

茹皆絕乃食雞子綸因使者慙通上雞子數百枚

上雞時掌

翻

上時自料簡

料音卿

歔歔哽咽

歔音虛歔許既翻又音希哽古者翻

湘東

王繹軍於郢州之武城

水經注武口水上通安陸之延頭南至武城入大江吳舊屯所

在荊州界盡此蓋今之沙武口即其地

湘州刺史河東王譽軍於青草湖

水經注湘水自汨羅口西北逕壘石山西北對青草湖祝穆曰青草湖一名巴丘湖北洞庭南瀟湘東納汨羅之水自昔與洞庭並稱按一湖之內南名青

信州刺史

桂陽王慆軍於西峽口

五代志巴東郡梁置信州唐之夔州也水經注江水自巴東魚

復縣東逕廣溪峽斯乃三峽首也峽中有瞿塘黃龕二灘隨七到翻

託云俟四方援兵淹

留不進中記室參軍蕭賁骨鯁士也以繹不早下心非

之嘗與繹雙六食子未下責曰殿下都無下意

雙六亦博之一

名績事始云陳思王製雙六局置骰子二唐末有葉子之戲遂加至六戰國策曰博之所以貴梟者便則食不便則止可以食子而未下者擬議其便否也責因其未下惜雙六以誑其不下救君父

繹深銜之

及得上勅繹欲旋師責曰景以人臣舉兵向闕今若放兵未及渡江童子能斬之矣必不為也大王以十萬之

衆未見賊而退奈何繹不悅未幾因事殺之

幾居起翹慥懿

之孫也東魏河內民四千餘家以魏北徐州刺史司

馬裔其鄉里也相帥歸之

帥諸曰率下同

丞相泰欲封裔裔固

辭曰士大夫遠歸皇化裔豈能帥之賣義士以求榮非

所願也

據周書裔司馬楚之之後司馬氏本河內溫人魏孝武西遷裔始歸鄉里於溫城起義附西魏

與東魏交戰頻有克獲授河內郡守尋加侯景運東

特節平東將軍北徐州刺史帥請曰率

侯景運東

府米入石頭既畢王偉聞荊州軍退

謂湘東王

援軍雖

多不相統壹乃說景曰王以人臣舉兵圍守宮闕逼辱

妃主殘穢宗廟擢王之髮不足數罪

用史記須賈之言擢拔也說式萬翻

數所角翻

今日持此欲安所容身乎背盟而捷自古多矣

背蒲

妹翻

願且觀其變臨賀王正德亦謂景曰大功垂就豈可

弃去景遂上啟陳帝十失且曰臣方事睽違所以冒陳

謹直

謹音黨

陛下崇飾虛誕惡聞實錄

上時掌翻惡烏路翻

以祇怪

為嘉禎

祇于驕翻禎音真祥也

以天譴為無咎敷演六藝排擯前

儒王莽之法也以鐵為貨輕重無常公孫之制也

漢公孫述

據蜀用鐵錢

爛羊鑄印朝章鄙雜更始趙倫之化也

漢更始濫授官

爵長安為之語曰爛羊胃騎都尉爛羊頭關內侯晉趙王倫篡位貂蟬盈坐時人為之語曰貂不足狗尾續朝

直遙翻更工衡翻

豫章以所天為血讎

見一百五十卷晉通六年

邵陵以父

存而冠布

事見同上冠古坑翻又如字

石虎之風也

石虎父子事見晉成帝紀

修

建浮圖百度糜費使四民飢餒苻融

事佛

事見漢獻帝紀姚興事佛事見晉安帝紀苻在各翻

又言建康宮室崇侈陛下唯

與主書參斷萬機政以賄成諸閹豪盛衆僧殷實皇太

子珠玉是好酒色是耽

斷丁亂翻好呼到翻

吐言止於輕薄賦詠

不出桑中

桑中見詩衛國風淫放之詩也

邵陵所在殘破湘東羣下貪

縱南康定襄之屬皆如沐猴而冠耳

南康王會理帝子續之子時鎮廣陵

定襄侯祇南平王偉之子時鎮淮陰沐猴而冠用漢書語

親為孫姪位則藩屏

屏必郢翻

臣至百日誰肯勤王此而靈長未之有也昔鬻拳兵諫

王卒改善

左傳鬻拳彊諫楚子楚子弗從臨之以兵懼而從之卒子恤翻

今日之舉復

奚罪乎

又復扶翻

伏願陛下小懲大戒

引易大傳之言指斥甚矣

放讒納

忠使臣無再舉之憂陛下無嬰城之辱則萬姓幸甚上

覽啟且慙且怒

言皆指實而無如之何有慙怒而已

三月丙辰朔立壇於

太極殿前告天地以景遠盟舉烽鼓譟初閉城之日男

女十餘萬擐甲者二萬餘人

考異曰南史作三萬今從輿略

被圍既

久人多身腫氣急

氣急上氣喘急也

死者什八九乘城者

不滿四千人率皆羸喘橫尸滿路不可瘞埋

羸倫為翻喘昌充翻

座於爛汁滿溝而衆心猶望外援柳仲禮唯聚妓妾置

酒作樂

妓渠綺翻

諸將日往請戰仲禮不許安南侯駿說邵

陵王綸曰

說式萬翻下武說柳仲禮如此今從太清紀

考異曰典略云綸已

城危如此

而都督不救若萬一不虞殿下何顏自立于世今宜分

軍為三道出賊不意攻之可以得志綸不從柳津登城

謂仲禮曰汝君父在難

難乃旦翻

不能竭力百世之後謂汝

為何仲禮亦不以為意上問策於津對曰陛下有邵陵

臣有仲禮不忠不孝賊何由平

考略曰典略云柳仲禮族兄暉謂仲禮曰天

下事勢如此何不自取富貴仲禮曰兄今若為取之暉
曰正當堅營不戰使賊平臺城因天子徐而縱兵既破
之後復挾天子令諸侯也仲禮納之按景既克城則人
情皆去援軍自散仲禮安能帥以破景仲禮閉壁不出
自為重傷而懼耳非用暉計也今從太清紀及南史太
清紀又云景嘗登朱雀門樓與之語又遺以金自是以
後閉壁不戰與略云景遺戊午南康王會理與羊鴉仁
以金錄亦又近誣今不取

趙伯超等進營於東府城北約夜度軍既而鴉仁等曉
猶未至景衆覺之營未立景使宋子仙擊之趙伯超望

風退走

寒山之敗玄武湖側之敗及此時之敗皆趙伯超為之也

會理等兵大敗戰

及溺死者五千人

溺奴秋翻

景積其首於闕下以示城中景

又使于子悅求和上使御史中丞沈浚至景所景實無
去志謂浚曰今天時方熱軍未可動乞且留京師立効
浚發憤責之景不對橫刀叱之

示將殺浚也

浚曰負恩忘義

違弃詛盟

詛莊助翻

固天地所不容沈浚五十之年常恐不

得死所何為以死相懼邪因徑去不顧景以其忠直捨

之於是景決石關前水

石關前水景決玄武湖以灌城者也

百道攻城晝

夜不息邵陵世子堅屯太陽門

太陽門臺城六門之一也

終日痛飲

痛音蒲痛飲檮痛且飲酒也

不恤吏士其書佐董勛熊曇朗恨之

考

南史此熊曇朗非後來為盜于豫章之熊
曇朗也南史侯景傳作白曇朗曇徒含翻丁卯夜向曉

勛曇朗於城西北樓引景眾登城永安侯確力戰不能

却乃排闥入啟上云城已陷上安臥不動曰猶可一戰

乎確曰不可上嘆曰自我得之自我失之亦復何恨因

謂確曰汝速去語汝父勿以二宮為念因使慰勞在外

諸軍

復扶又翻語牛倨翻勞力到翻

俄而景遣王偉入文德殿奉謁上

命褰簾開戶引偉入偉拜呈景啟稱為奸佞所蔽領眾

入朝

朝直遙翻

驚動聖躬今詣闕待罪上問景何在可召來

景入見於太極東堂以甲士五百人自衛景稽顙殿下

典儀引就三公榻

典儀典朝儀者也至唐猶有典儀之職掌殿上贊唱之節及設殿庭服位

之次見賢通翻稽音啓

上神色不變問曰卿在軍中日久無乃為

勞景不敢仰視汗流被面

被皮義翻

又曰卿何州人而敢至

此妻子猶在北邪景皆不能對任約從旁代對曰臣景

妻子皆為高氏所屠唯以一身歸陛下

自此以上上問景景猶惴伏

上又問初度江有幾人景曰千人圍臺城幾人曰十萬

今有幾人曰率土之內莫非已有

自此以上景之辭氣悖矣

上俛首

不言

上辭窮勢屈故
悅首不言嗚呼

景復至永福省見太子太子亦無

懼容侍衛皆驚散唯中庶子徐摛

太子中庶子職如
侍中摛丑知翻

通

事舍人陳郡殷不害側侍

東宮通事舍人職
如中書通事舍人

摛謂景曰

侯王當以禮見

見賢
遍翻

何得如此景乃拜

荀子曰善敗者
不亡帝父子於

此亦亡而不失
其守者悲夫

太子與言又不能對景退謂其廂公王

僧貴曰

景之親貴隆重者
號曰左右廂公

吾嘗跨鞦對陳

陳讀
曰陣

矢刃交

下而意氣安緩了無怖心今見蕭公使人自惛

怖普布
翻惛之

豈非天威難犯吾不可以再見之於是悲撒兩宮侍

涉
翻

衛

兩宮謂上臺及東宮

縱兵掠乘輿服御宮人皆盡收朝士王侯

送永福省

乘經證翻朝直遙翻

使王偉守武德殿于子悅屯太極

東堂矯詔大赦自加大都督中外諸軍錄尚書事

異曰考

梁帝紀無赦加景官在庚午今從太清紀

建康士民逃難四出

難乃旦翻

太子洗

馬蕭允

洗悉薦翻

至京口端居不行曰死生有命如何可逃

禍之所來皆生於利苟不求利禍從何生己已景遣石

城公大款以詔命解外援軍

五代志宣城郡秋浦縣舊曰石城

考異曰輿略在

庚午梁帝紀在辛未今從太清紀

柳仲禮召諸將議之

將即亮翻

邵陵王綸

曰今日之命委之將軍仲禮熟視不對裴之高王僧辯

曰將軍擁衆百萬致宮闕淪沒正當悉力決戰何所多

言仲禮竟無一言諸軍乃隨方各散

言諸軍各隨所來之方散去也

南

兗州刺史臨城公大連

按姚思廉梁書大連封臨城縣公自東揚州入援臺城既陷復

還會稽參考通鑑前後所書皆然此誤以東揚州為南

兗州當書南兗州刺史南康王會理東揚州刺史臨城

公大連蓋傳寫逸南康王

會理東揚州刺史十字

湘東世子方等鄱陽世子嗣

北兗州刺史湘潭侯退

亦當書北兗州刺史定襄侯祗前青冀二州刺史湘潭侯退五

代志衡山郡有湘潭縣

吳郡太守袁君正晉陵太守陸經等各還

本鎮君正昂之子也

帝平建康東昂以節義見褒位至台司

邵陵王綸奔

會稽

會工外翻

仲禮及弟敬禮羊鴉仁王僧辯趙伯超並開

營降

降戶江翻下同

軍士莫不歎憤仲禮等入城先拜景而後

見上

見賢遍翻下同

上不與言仲禮見父津津慟哭曰汝非

我子何勞相見湘東王繹使全威將軍會稽王琳送米

二十萬石以饋軍至姑孰聞臺城陷沈米於江而還

沈持

林翻

景命燒臺內積尸病篤未絕者

未絕謂猶有餘息者

亦聚而焚

之庚午詔征鎮牧守可復本任景留柳敬禮羊鴉仁而

遣柳仲禮歸司州王僧辯歸竟陵

王僧辯得歸竟陵為湘東王繹用之以平

侯景張本

初臨賀王正德與景約平城之日不得全二宮及

城開正德帥衆揮刀欲入

帥讀曰率

景先使其徒守門故正

德不果入景更以正德為侍中大司馬百官皆復舊職

正德入見上

更工衡翻見賢遍翻

拜且泣上曰啜其泣矣何嗟及

矣

詩中谷有推之辭啜張劣翻吸者泣多而不止也讀如輟

秦郡陽平盱眙三郡皆

降景

沈約曰晉武帝分扶風為秦國中原亂其民南流寄居堂邑堂邑本為縣西漢屬臨淮郡後漢屬廣

陵國晉惠帝永興元年以臨淮淮陵立堂邑郡安帝改堂邑為秦郡五代志曰江都郡六合縣舊曰蔚氏置秦

郡又有安宜縣
梁置陽平郡

景改陽平為北滄州改秦郡為西兗州

東徐州刺史湛海珍北青州刺史王奉伯

五代志東海郡懷仁

縣梁置南北二青州下邳郡梁置東徐州
考異曰北青州與略作南冀州今從太清紀

並以地降

東魏青州刺史明少遐山陽太守蕭鄰棄城走

五代志海州懷

仁縣舊置南北二青州江都郡山陽縣舊置
山陽郡考異曰梁紀在四月今從太清紀

東魏據其

地侯景以儀同三司蕭邕為南徐州刺史代西昌侯

淵藻鎮京口又遣其將徐相攻晉陵

將即亮翻

陸經以郡降

之初上以河東王譽為湘州刺史徙湘州刺史張績

為雍州刺史代岳陽王譽續恃其才望輕譽少年迎候

有關譽至檢括州府付度事

付度者前刺史以州府之若事若物付度後刺史雍

於用翻少詩治翻

留續不遣聞侯景作亂頗陵感續續恐為所

害輕舟夜遁將之雍部復慮譽拒之

又復扶翻

續與湘東王

繹有舊欲因之以殺譽兄弟乃如江陵及臺城陷諸王

各還州鎮譽自湖口歸湘州

洞庭青草共為一湖湖口在巴陵

桂陽王

慥以荊州督府

湘東王繹以荊州刺史都督荆雍等九州慥譽登皆其屬也

留軍江

陵欲待繹至拜謁乃還信州續遺繹書曰河東戴縹上

水欲襲江陵

檣船上桅竿也所以掛帆帆汎風則船行自洞庭至江陵泝江而上故曰上水遺于

季翻上時掌翻

岳陽在雍共謀不逞江陵游軍主朱榮

游軍主領游軍

之將也

亦遣使告繹云桂陽留此欲應譽答

使疏翻

繹懼鑿

船沈米斬纜

沈持林翻纜盧閩翻維舟索也

自蠻中步道馳歸江陵囚

慥殺之

繹與譽答自此陳矣

侯景以前臨江太守董紹先為江北

行臺

五代志歷陽郡烏江縣梁置臨江郡董紹先降侯景見上卷上年

使齋上手勅召

南兖州刺史南康王會理壬午紹先至廣陵衆不滿二

百皆積日飢疲會理士馬甚盛僚佐說會理曰

說式芮翻

景

已陷京邑欲先除諸藩然後篡位若四方拒絕立當潰敗奈何委全州之地以資寇手不如殺紹先發兵固守與魏連和以待其變會理素懦即以城授之紹先既入衆莫敢動會理弟通理請先還建康謂其姊曰事既如此豈可闔家受斃前途亦思自効但未知天命如何耳紹先悉收廣陵文武部曲鎧仗金帛鎧可亥翻遣會理單馬還建康為會理兄弟謀誅王偉不克而死張本湘潭侯退與北兗州刺史史定襄侯祗出奔東魏侯景以蕭瑀璋為北兗州刺史

州民發兵拒之景遣直閣將軍羊海將兵助之海以其

衆降東魏

將即亮翻下同降戶江翻

東魏遂據淮陰祗偉之子也

癸未侯景遣于子悅等將羸兵數百東略吳郡

羸倫為翻

新

城戍主戴僧邊有精甲五千

沈約曰浙江西南名曰相溪吳立為新城縣屬吳郡

今杭州新城縣即其地過他歷翻

說太守袁君正曰

說式芮翻

賊今乏食臺

中所得不支一旬若閉關拒守立可餓死土豪陸映公

恐不能勝而資產被掠皆勸君正迎之

被皮義翻

君正素怯

載米及牛酒郊迎子悅執君正掠奪財物子女東人皆

立堡拒之景又以任約為南道行臺鎮姑孰

任音士

夏四

月湘東世子方等至江陵湘東王繹始知臺城不守命

於江陵四旁七里樹木為柵掘塹三重而守之

塹七艷翻重直

龍翻

東魏高岳等攻魏潁川不克大將軍澄益兵助之

道路相繼踰年猶不下

去年四月高岳等攻潁川

山鹿忠武公劉豐

生建策堰洧水以灌之

五代志朔方郡長澤縣後魏置閼熙郡及山鹿縣水經洧水出

河南密縣西南馬領山東南過長社縣北堰於扇翻

城多崩顏岳悉衆分休迭進

言分

兵為十數部甲休則乙進乙休則丙進丙休則丁進至於癸休則甲復進矣攻者得番休而應者不勝其勞也

王思政身當矢石與士卒同勞苦城中泉湧懸釜而炊

太師泰遣大將軍趙貴督東南諸州兵救之自長社以

北皆為陂澤兵至穰穰即穰城不得前東魏使善射者乘大

艦臨城射之艦戶點翻射之而亦翻下射殺同城垂陷燕郡景惠公募

容紹宗與劉豐生臨堰視之燕因有翻見東北塵起同入艦

坐避之俄而暴風至遠近晦冥纜斷飄船徑向城纜盧瞰翻

城上人以長鉤牽船弓弩亂發紹宗赴水溺死溺奴豐狄翻

生游上向土山浮水而行曰游上時掌翻城上人射殺之甲辰東

魏進大將軍勃海王澄位相國封齊王加殊禮

時令澄贊拜不

名入朝不趨
劬履上殿

丁未澄入朝於鄴固辭不許澄召將佐密

議之皆勸澄宜膺朝命

朝直
選翻

獨散騎常侍陳元康以為

未可澄由是嫌之崔暹乃薦陸元規為大行臺郎以分

元康之權 湘東王繹之入援也令所督諸州皆發兵

雍州刺史岳陽王詧遣府司馬劉方貴將兵出漢口

於雍

用翻將
即亮翻

繹召詧使自行詧不從方貴潛與繹相知謀襲

襄陽未發會詧以他事召方貴方貴以為謀泄遂據樊

城拒命。詔遣軍攻之。繹厚資遣張纘使赴鎮。纘至大堤。

沈約志：華山郡治大堤。五代志：襄陽郡漢南縣宋置。華山郡唐併漢南入宜城縣。九域志：宜城在襄州南九十里。曾鞏曰：宋武帝築宜城之大堤為城。今縣治是也。 詔已拔樊城，斬方貴。纘至襄

陽，詔推遷未去，但以城西白馬寺處之。

處，呂昌翻。

詔猶撫軍

府之政。聞臺城陷，遂不受代，助防杜岸。紹纘曰：觀岳陽

勢不容使君不如，且往西山以避禍。

西山謂萬山，以西中廬縣諸山也。紹

待亥翻。

岸既襄陽豪族，兄弟九人皆以驍勇著名。

杜氏兄弟，嵩岑

崑崙巖岸，前從幼女。凡九人，驍堅克翻。

纘乃與岸結盟，著婦人衣。

著，陟略翻。

乘

青布輿逃入西山。嘗使岸將兵追擒之。纘乞為沙門。更

名法纘。嘗許之。

張纘間構譽兄弟於湘東。凶于而身害于而國更工衡翻。

荊州

長史王冲等上牋於湘東王。繹請以太尉都督中外諸

軍事。承制主盟。

主盟者主諸藩之盟。

繹不許。丙辰又請以司空主

盟。亦不許。

上雖外為侯景所制。而內甚不平。景欲以

宋子仙為司空。上曰。調和陰陽。焉用此物。

三公變理陰陽。言宋子仙。

非其人。

景又請以其黨二人為便殿主帥。

梁禁中諸殿皆有主帥。杜佑曰。

凡言便殿者。皆非正大之處。又曰。便殿寢側之別。殿帥所類翻。

上不許。景不能強。

強其兩翻。

心甚憚之太子入泣諫上曰誰令汝來若社稷有靈猶當克復如其不然何事流涕景使其軍士入直省中或驅驢馬帶弓刀出入宮庭上怪而問之直閣將軍周石珍對曰侯丞相甲士上大怒叱石珍曰是侯景何謂丞相左右皆懼是後上所求多不遂志飲膳亦為所裁節憂憤成疾太子以幼子大圜屬湘東王繹屬之欲翻託也并剪爪髮以寄之五月丙辰上卧淨居殿口苦索蜜不得索山

客翻

再曰荷荷

荷下可翻

遂殂年八十六景秘不發喪遷殯於

昭陽殿

侯景時居昭陽殿

迎太子於永福省使如常入朝

朝直遙翻

王偉陳慶皆侍太子太子嗚咽流涕不敢泄聲殿外文

武皆莫之知東魏高岳既失慕容紹宗等志氣沮喪

不敢復逼長社城

杜佑曰許州長葛縣故長社城王思政所守也沮在呂翻喪息浪翻復扶

又翻陳元康言於大將軍澄曰王自輔政以來未有殊功

雖破侯景本非外賊

太清元年高澄輔政次年破侯景

今潁川垂陷願

王自以為功澄從之戊寅自將步騎十萬攻長社

將即亮翻

騎奇寄翻親臨作堰堰三決澄怒推負土者及囊并塞之

吐推

雷翻塞
悉則翻

辛巳發高祖喪

帝殂二十六日而後發喪

升梓宮於太極

殿是日太子即皇帝位大赦侯景出屯朝堂分兵守衛

景自昭陽殿出屯朝堂朝堂蓋在太極殿左右朝直遙翻

壬午詔北人在南為奴

婢者皆免之所免萬計景或更加超擢冀收其力高祖之末建康士民服食器用爭尚豪華糧無半年之儲常

資四方委輸

元晁曰漢有三輔委輸官掌委輸者也凡以物送之曰輸則音平聲指所送之物曰

輸則音去聲委輸之委亦音去聲

自景作亂道路斷絕數月之間人至

相食猶不免餓死存者百無一二

金陵記曰梁都之時戶二十八萬西石頭

城東至倪塘南至石子岡北過蔣山南北各四十里侯景之亂至于陳時中外人物不迨宋齊之半貴戚

豪族皆自出採稻

稻音呂禾不因播種而生曰稻

填委溝壑不可勝紀

勝音升

癸未景遣儀同三司來亮入宛陵

宛陵縣漢屬丹陽郡晉分為宣

城郡治所五代志宣城郡治宣城縣舊曰宛陵

宣城太守楊白華誘而斬之甲

申景遣其將李賢明攻之不克

華讀曰花誘音酉將即亮翻下同考異曰典

略在四月令從太清紀

景又遣中軍侯子鑒入吳郡

中軍中軍都督也以

廂公蘇單于為吳郡太守

單音蟬

遣儀同宋子仙等將兵

東屯錢塘新城戍主戴僧遇拒之御史中丞沈浚避難

東歸

難乃旦翻

至吳興太守張嶷與之合謀舉兵討景嶷稷

之子也

嶷石證翻張稷弒齊東昏侯後死于鬱洲

東揚州刺史臨城公大連

亦據州不受景命

五代志會稽郡梁置東揚州

景號令所行唯吳郡

以西南陵以北而已

魏詔太和中代人改姓者皆復

其舊

改姓見一百四十卷齊明帝建武三年

六月丙戌以南康王會理

為侍中司空

考異曰梁紀作戊戌今從太清紀

丁亥立宣城王大器

為皇太子

考異曰太清紀云七日今從梁帝紀及典略

初侯景將使太常

卿南陽劉之遴授臨賀王正德璽綬之遴剃髮僧服而

逃之

遼良刃翻 墮斯氏翻
殺音受 剝他計翻

之遼博學能文嘗為湘東王

繹長史將歸江陵繹素嫉其才己丑之遼至夏口繹密

送藥殺之

夏戶雅翻

而自為誌銘厚其贈賻

賻音附

壬辰封

皇子大心為尋陽王大款為江陵王大臨為南海王大

連為南郡王大春為安陸王大成為山陽王大封為宜

都王

考異曰太清紀典略並與
立太子同日今從梁帝紀

長社城中無鹽人

病瘳腫

瘳呂綠翻

死者什八九大風從西北起吹水入城城

壞東魏大將軍澄令城中曰有能生致王大將軍者封

侯若大將軍身有損傷親近左右皆斬

太清元年西魏授王思政大將

軍故以稱之

王思政帥衆據土山

東魏慕容土山以攻顯川思政奪而據之師讀曰率

告之曰吾力屈計窮唯當以死謝國因仰天大哭西向

再拜欲自刎

刎扶粉翻

都督駱訓曰公常語訓等

語牛倨翻

汝齋

我頭出降

降戶江翻

非但得富貴亦完一城人今高相既有

此令

相息亮翻

公獨不哀士卒之死乎衆共執之不得引決

澄遣通直散騎趙彥深就土山遺以白羽扇

遺于李翻

執手

申意牽之以下澄不令拜延而禮之思政初入潁川將

士八千人

將即亮翻下同

及城陷纔三千人卒無叛者

卒子澄恒翻

悉散配其將卒於遠方改潁州為鄭州

按魏收志潁州本治長社既改

鄭州徙治潁陰城領許昌潁川陽翟郡

禮遇思政甚重西閣祭酒盧潛曰

後齊之制三師二大三公各置東西閣祭酒二人大司馬大將軍也

思政不能死節何足

可重澄謂左右曰我有盧潛乃是更得一王思政潛度

世之曾孫也

盧度世事魏大武帝

初思政屯襄城欲以長社為行

臺治所遣使者魏仲啟陳於太師泰

使疏吏翻

并致書於浙

州刺史崔猷

魏收志浙州領修陽朱陽南上洛浙陽固郡五代志浙陽郡西魏置浙州唐志鄧州

內鄉縣本
浙陽郡治

猷復書曰襄城控帶京洛實當今之要地如

有動靜易相應接潁川既鄰寇境又無山川之固賊若

潛來徑至城下莫若頓兵襄城為行臺之所潁川置州

遣良將鎮守則表裏膠固人心易安

將即亮翻
易以政翻

縱有不

虞豈能為患仲見泰具以啓聞

具以思政所請崔猷
所報二者皆啓聞也

泰

令依猷策思政固請且約賊水攻期年

期讀
曰暮

陸攻三年

之內朝廷不煩赴救泰乃許之及長社不守泰深悔之

猷孝芬之子也

崔孝芬為高歡所殺子猷入關事
見一百五十六卷中大通六年

侯景

之南叛也

事見一百六十卷元年

丞相泰恐東魏復取景所部地

復扶又翻

使諸將分守諸城及潁川陷泰以諸城道路阻絕

皆令拔軍還

史言宇文泰不求廣地之名而審計利害之實

上甲侯韶自建

康出奔江陵稱受高祖密詔徵兵

考異曰梁帝紀在五月令從太清紀

以湘東王繹為侍中假黃鉞大都督中外諸軍事司徒

承制自餘藩鎮並加位號 宋子仙園戴僧遇不克丙

午吳盜陸緝等

考異曰典略作戊子陸黠令從太清紀南史

起兵襲吳郡殺

蘇單于推前淮南太守文成侯寧為主 臨賀王正德

怨侯景賣已密書召鄱陽王範使以兵入景遮得其書

癸丑縊殺正德

縊於賜勳又於計勳略五月正德死今從太清紀南史

景以

儀同三司郭元建為尚書僕射北道行臺摠江北諸軍

事鎮新秦

舊置秦郡於六合新秦即秦郡也簡文帝之廢也元建自秦郡馳還諫景此可證也

封

元羅等諸元十餘人皆為王

考異曰太清紀在八月二十八日今從典略景

愛永安侯確之勇常寘左右邵陵王綸潛遣人呼之確

曰景輕佻

佻土彫翻

一夫力耳我欲手刃之正恨未得其便

卿還啟家王勿以確為念景與確遊鍾山引弓射鳥因

欲射景

射而亦翻

弦斷不發景覺而殺之

確死在九月今從

略典

湘東王繹娶徐孝嗣孫女為妃生世子方等妃醜

而妬又多失行

行下孟翻下穢行同

繹二三年一至其室妃聞繹

當至以繹目眇為半面粧以待之繹怒而出故方等亦

無寵及自建康還江陵繹見其御軍和整始歎其能入

告徐妃妃不對垂泣而退繹怒疏其穢行勝于大閤方

等見之益懼湘州刺史河東王譽驍勇得士心繹將討

侯景遣使督其糧衆

驍堅光翻使疏吏翻下同

譽曰各自軍府何忽

隸人使者三返譽不與方等請討之繹乃以少子安南

侯方矩為湘州刺史方等將精卒二萬送之

少詩照翻將即亮翻

考異曰太清紀云初上遣諮議參軍周弘直往湘州報河東王譽云侯景既須撲滅今欲遣荊州兵力使汝東往但使諸蕭有一人能匡國難吾無所惜譽對弘直攘袂云身始至鎮百度俱闕征伐之任便未能行又遣舍人虞預至譽所曰周弘直還知汝必不能自出師吾今便長驅席卷還望三湘兵糧以相資給譽又拒絕意色殊憤上又遣錄事參軍劉毅往雍宣旨於岳陽王譽曰吾舟艦足乘唯糧仗闕少湘州有米已就譽求雍部精兵必能分遣行留之計爾自擇之譽答曰兵馬蕃杆所須非敢減徹襄陽形勝之地豈可暫虛穀出謂雍州別駕甄玄成曰觀殿下辭色曹無匡復之意卿是股肱所寄可相毗贊邪答曰樊沔衝要王業所基人情驍勇

山川險固君其雅識寧俟多言穀曰本論東討共征獫
狁義興西伯非敢聞命於是湘雍二藩成亂謀矣是月
上遣世子方等往湘州具陳軍國之計誠方等曰吾近
累遣使往湘並未相唇齒今故令汝至彼必望申吾意
若能相隨不可留王冲權知州事譽遂不受命潛圖
構逆此皆蕭韶為元帝隱惡飾辭耳今從梁書南史

方

等將行謂所親曰是行也吾必死之死得其所吾復奚

恨

方等不死于救臺城之時而死于伐
湘州之日可謂得其死乎復扶又翻

侯景以趙威

方為豫章太守江州刺史尋陽王大心遣軍拒之擒威

方繫州獄威方逃還建康湘東世子方等軍至麻溪

據水經注麻溪水口在
臨湘縣北瀏口戍南

河東王譽將七千人擊之方等

軍敗溺死

溺奴
秋翻

安南侯方矩收餘衆還江陵湘東王繹

無戚容繹寵姬王氏生子方諸王氏卒繹疑徐妃為之

疑其毒
殺之

逼令自殺妃赴井死葬以庶人禮不聽諸子制

服

史言湘
東猜薄

西江督護陳霸先欲起兵討侯景景使人

誘廣州刺史元景仲許奉以為主

元景仲法僧之子普
通六年父子歸梁誘

音景仲由是附景陰圖霸先霸先知之與成州刺史王

懷明等集兵南海

五代志蒼梧郡梁置成
州南海郡即廣州治所

馳檄以討景

仲曰元景仲與賊合從

從子
容翻

朝廷遣曲陽侯勃為刺史

軍已頓朝亭

鄧道元曰廣州城東北三十里有朝臺昔尉佗因運作臺北而朝漢國基千步直峭

百丈頂上三畝複道環迴逶迤曲折朔望升拜名曰朝臺朝直還翻

景仲所部聞之皆弃

景仲而散秋七月甲寅景仲縊於閣下

縊於賜翻

霸先迎定

州刺史蕭勃鎮廣州前高州刺史蘭裕欽之弟也

五代志高

涼郡梁置高州蘭欽見一百五十七卷大同元年

與其諸弟扇誘始興等十郡

攻監衡州事歐陽頎

誘音西監工衛翻下同頎魚毀翻

勃使霸先救之

悉擒裕等

考異曰太清紀擒裕在八月今從陳書

勃因以霸先監始興郡

事湘東王繹遣竟陵太守王僧辯信州刺史東海鮑

泉擊湘州分給兵糧刻日就道僧辯以竟陵部下未盡

至欲俟衆集然後行與泉入白繹求申期

申重也重繹為期日

繹

疑僧辯觀望案劒厲聲曰卿憚行拒命欲同賊邪今日

唯有死耳因斫僧辯中其左髀

中竹仲翻

悶絕久之方蘇即

送獄泉震怖不敢言

怖普布翻

僧辯母徒行流涕入謝自陳

無訓繹意解賜以良藥故得不死丁卯鮑泉獨將兵伐

湘州

將即亮翻

考異曰太清紀作八日或者八日受命丁卯乃行也

陸緝等競為

暴掠吳人不附宋子仙自錢塘旋軍擊之

時宋子仙攻戴僧過屯錢

塘壬戌緝奔城奔海鹽

吳記曰海鹽本名武原鄉秦以爲縣屬吳郡今屬嘉興府在府

東南八十里

子仙復據吳郡

復扶又翻

戊辰侯景置吳州于吳郡

以安陸王大春爲刺史

庚午以南康王會理無尚書

令

考異曰太清紀在八月二十六日今從典略

鄱陽王範聞建康不守戒

嚴欲入僚佐或說之曰今魏人已據壽陽大王移足則

虜騎必窺合肥前賊未平後城失守

說式芮翻守式又翻

將若之

何不如待四方兵集使良將將精卒赴之

將即亮翻下同

進不

失勤王退可固本根範乃止會東魏大將軍澄遣西兗

州刺史李伯穆逼合肥又使魏收為書諭範範方謀討

侯景藉東魏為援乃帥戰士二萬出東關以合州輸伯

穆帥讀曰率并遣諮議劉靈議送二子勤廣為質於東魏以

乞師諮議者諮議參軍質音致範屯濡須以待上游之軍遣世子嗣

將千餘人守安樂柵安樂柵者範所立柵以安樂名之然臺城覆陷父兄蒙塵此子弟未

血枕戈之時以安樂名柵非名也樂音洛上游諸軍皆不下範糧乏采苾稗

菱藕以自給苾與菰同音孤雕菰米本草又謂之茭白歲久中心生白臺謂之菰米其臺中有黑

者謂之茭薺至後結實乃雕胡黑米也勤廣至鄴東魏

人竟不為出師

偽翻為于

範進退無計

進則孤贏之軍不足以制侯景退則合肥

己為東魏人所據

乃泝流西上

上時掌翻

軍於樅陽

樅陽縣漢屬廬江郡晉書五代

志同安郡同安縣舊曰樅陽并置樅陽郡師古曰樅七容翻

景出屯姑孰範將裴之

悌以衆降之

降戶江翻

之悌之高之弟也

東魏大將軍澄

詣鄴辭爵位殊禮且請立太子澄謂濟陰王暉業曰比

讀何書暉業曰數尋伊霍之傳不讀曹馬之書

謂伊霍輔少主曹馬

篡國也濟子禮翻此毗至翻數所角翻傳直總翻

八月甲申朔侯景遣其中

軍都督侯子鑒等擊吳興

己亥鮑泉軍於石埭寺河

東王譽逆戰而敗辛丑又敗于橘洲

晏公類要曰橘洲在長沙西南四十

里湘江中四洲橘洲其一也水經注沅水東逕龍陽縣之汎洲洲長二十里吳丹陽太守李衡植柑於其上臨

死勅其子曰吾州里有木奴千頭不責衣食歲絹千匹今洲上猶有遺枿余按汎洲乃柑洲非橘洲水經注又

云湘水北過臨湘縣西又北過南津城西對橘洲此則是也類要亦指此張舜民郴行錄橘洲東對潭洲城

戰及溺死者萬餘人

溺奴秋翻

譽退保長沙泉引軍圍之

辛卯東魏立皇子長仁為太子勃海文襄王澄以其弟

太原公洋次長

次長言於兄弟行澄居長而洋次之長竹文翻

意常忌之洋深

自晦匿言不出口常自貶退與澄言無不順從澄輕之

常曰此人亦得富貴相書亦何可解

相息亮翻古之唐舉許負皆相視人

之骨法狀貌以知吉凶貴賤有相書傳於世解戶賈翻

洋為其夫人趙郡李氏營

服玩小佳

為于偽翻下為爾同

澄輒奪取之夫人或恚未與

恚於避翻

洋笑曰此物猶應可求兄須何容吝惜

須者意所欲亦求也

澄或

愧不取洋即受之亦無飾讓每退朝還第

朝直遣翻

輒閉閣

靜坐雖對妻子能竟日不言或時袒跣奔躍夫人問其

故洋曰為爾漫戲

漫戲言漫爾作戲

其實蓋欲習勞也澄獲徐

州刺史蘭欽子京以為膳奴

蘭欽仕梁為徐州刺史考異曰陳元康傳作蘭固

成令從北
齊帝紀

欽請贖之不許京屢自訴澄杖之曰更訴當

殺汝京與其黨六人謀作亂澄在鄴居北城東柏堂嬖

瑯邪公主

琅邪公主事始見一百五十九卷大同十一年

欲其往來無間

間古覓翻

詩衛者常遣出外辛卯澄與散騎常侍陳元康吏部尚

書侍中楊愔黃門侍郎崔季舒屏左右謀受魏禪

愔於今翻

屏必鄴翻

署擬百官蘭京進食澄却之謂諸人曰昨夜夢此

奴斫我當急殺之京聞之寘刀盤下冒言進食澄怒曰

我未索食

索山客翻求也

何為遽來京揮刀曰來殺汝澄自投

傷足入于牀下賊去牀弑之

去羌呂翻

惛狼狽走遺一靴

靴詩

戈翻

季舒匿于廁中元康以身蔽澄與賊爭刀被傷腸出

被皮義翻下同

庫直王紘冒刃禦賊紘奚舍樂鬪死時變起倉

猝内外震駭太原公洋在城東雙堂聞之顏色不變指

揮部分

分扶問翻

入討羣賊斬而齧之

齧力充翻割切其肉也

徐出曰

奴反大將軍被傷無大苦也内外莫不驚異

洋素自晦匿今遇變

而不為之變故皆驚而異之

洋祕不發喪陳元康手書辭母口占使

功曹參軍祖珽作書陳便宜

珽待鼎翻

至夜而卒洋殯之第

中詐云出使

使疏吏翻

虛除元康中書令

并秘陳元康死問亦所以鎮安人情

以王紘為領左右都督紘基之子也

王基見一百五十六卷中大通六年

勲貴以重兵皆在并州勸洋早如晉陽洋從之夜召大

將軍督護太原唐邕使部分將士鎮遏四方

分扶邕問翻

支配須臾而畢

支配也配隸也支配猶今人言品配

洋由是重之癸巳洋

諷東魏主以立太子大赦

託建儲大赦以安蘭京之黨心懷反側者

澄死問

漸露東魏主竊謂左右曰大將軍今死似是天意威權

當復歸帝室矣

復扶又翻下同

洋留太尉高岳太保高隆之開

府儀同三司司馬子如侍中楊愔守鄴餘勲貴皆自隨
甲午入謁東魏主於昭陽殿從甲士八千人登階者二
百餘人皆攘袂扣刃若對嚴敵令主者傳奏曰臣有家
事須詣晉陽

主者主朝儀者也

再拜而出東魏主失色目送之

曰此人又似不相容朕不知死在何日晉陽舊臣宿將
素輕洋及至大會文武神彩英暢言辭敏洽衆皆大驚

晉陽文武之驚洋猶鄴城內外也

澄政令有不便者洋皆改之高隆之

司馬子如等惡度支尚書崔暹

惡烏路翻

奏暹及崔季舒過

惡鞭二百徒邊

二人素為澄所親任故隆之等惡之

侯景以宋子仙為

司徒郭子建為尚書左僕射與領軍任約等四十人並

開府儀同三司仍詔自今開府儀同不須更加將軍

梁制

雖三公亦加將軍號今開府儀同三司亦不加

是後開府儀同至多不可復記

矣鄱陽王範自樅陽遣信告江州刺史尋陽王大心

樅七容翻

大心遣信邀之範引兵詣江州大心以湓城處之

一樓不兩雄為範與大心互相猜忌張本處昌呂翻

吳興兵力寡弱張嶧書生

不閑軍旅

閩習也

或勸嶧效袁君正以郡迎侯子鑒嶧歎

曰袁氏世濟忠貞

袁氏自淑至顯聚及昂皆以忠貞著節

不意君正一旦

驟之吾豈不知吳郡既沒吳興勢難久全但以身許國

有死無貳耳九月癸丑朔子鑒軍至吳興嵯戰敗還府

整服安坐子鑒執送建康侯景嘉其守節欲活之嵯曰

吾忝任專城朝廷傾危不能匡復今日速死為幸景猶

欲全其一子嵯曰吾一門已在鬼錄

魏文帝書曰觀其姓名已在鬼錄錄

籍也不就爾虜求恩景怒盡殺之

張嵯闔門死義以雪其父弒君之醜血祀絕矣

并殺沈浚

沈浚責侯景之時視死如歸其後與張嵯起兵豈望生邪

河東王譽告

急於岳陽王謩留諮議參軍濟陽蔡大寶守襄陽帥

衆二萬騎二千伐江陵以救湘州

濟子禮翻帥讀曰率騎奇寄翻

湘東

王繹大懼遣左右就獄中問計於王僧辯僧辯具陳方

略繹乃赦之以為城中都督乙卯謩至江陵作十三營

以攻之會大雨平地水深四尺

深式浸翻

謩軍氣沮

沮在呂翻

繹

與新興太守杜蒯有舊

漢獻帝建安十二年省雲中定襄五原朔方四郡郡立一縣合

為新興郡屬并州晉江左僞立於荊州界領定襄廣牧等縣五代志南郡安興縣舊置廣牧定襄縣唐省安興縣入江陵則新興固荊州所統矣何待繹以舊好密邀蒯哉蓋蒯雖帶新興太守實從軍在襄陽也蒯士力翻

密邀之乙丑崩與兄爰岸弟幼安兄子龕各帥所部降

于繹

爰魚及翻龕苦含翻降戶江翻

岸請以五百騎襲襄陽晝夜兼行

去襄陽三十里城中覺之蔡大寶奉答母龔保林

保林宮中

女官自漢以來有之顏師古曰保安也言其可安衆如林也齊高帝建元三年太子宮置三內職良娣比開國侯保林比五等侯才人比駙馬都尉登城拒戰答聞之夜遁弃糧食金帛

鎧仗於澮水不可勝紀

鎧可亥翻丁度曰澮紀偃切水名出南郡今荆門軍北百里有

連水蓋即此水也勝音升

張纘病足答載以隨軍及敗走守者恐為

追兵所及殺之弃尸而去

考異曰太清紀云答使制文檄纘曰吾蒙朝廷不世之

榮又荷湘東王國士之眷今日雖死義無操筆及軍敗
將殺之續曰若使南師必振北賊將亡吾雖死無所恨
遂殺之弃尸于江陵北湖又云諸將並欲追上以如子
之情情所未忍曰彼不應來而來明其為逆我應逐不
逐見我之弘此蓋亦蕭
詔之虛美今從南史

答至襄陽岸奔廣平依其兄南

陽太守獻

晉渡江南僞立廣平郡於襄陽宋以漢南陽郡之朝陽縣為寶土水經注古朝陽縣在新

野縣西獻與
獻同魚塞翻

湘東王繹以鮑泉圍長沙久不克怒之

以平南將軍王僧辯代為都督數泉十罪

數所具翻

命舍人

羅重權與僧辯偕行

重直龍翻

泉聞僧辯來愕然曰得王竟

陵來助我賊不足平拂席待之僧辯入背泉而坐

背蒲妹翻

曰鮑郎卿有罪令旨使我鎖卿

時繹下書于所部稱令故曰令旨

卿弗

以故意見期使重懼宣令鎖之牀側泉為啓自申

申明也理

也且謝淹緩之罪繹怒解遂釋之冬十月癸未朔東

魏以開府儀同三司潘相樂為司空初歷陽太守莊

鐵帥衆歸尋陽王大心

鐵歸大心見一百六十一卷太清二年帥讀曰率

大心

以為豫章內史鐵至郡即叛推觀寧侯永為主永範之

弟也丁酉鐵引兵襲尋陽大心遣其將徐嗣徽逆擊破

之鐵走至建昌

建昌縣漢和帝永元十六年分海昏立屬豫章郡

光遠將軍韋

構邀擊之鐵失其母弟妻子單騎還南昌

南昌漢舊縣豫章郡治所

大心遣構將兵追討之 宋子仙自吳郡趣錢塘劉神

茂自吳興趣富陽前武州刺史富陽孫國恩以城降之

趣七喻翻降戶江翻下同

十一月乙卯葬武皇帝於脩陵

考異曰太清

紀云十四日梓宮達于修陵今從梁書

廟號高祖 百濟遣使入貢

使疏吏翻

見城闕荒圯

圯部鄙翻毀也

異於邠來

毛晃曰昔來謂之邠來也

哭於端門

端門臺城正南之中門

侯景怒錄送莊嚴寺

錄拘也收也莊嚴寺近建康南郊壇 不

聽出 壬戌宋子仙急攻錢塘戴僧過降之 岳陽王

督使將軍薛暉攻廣平拔之獲杜岸送襄陽督拔其舌

鞭其面支解而烹之又發其祖父墓焚其骸而揚之以

其頭為漆碗督既與湘東王繹為敵恐不能自存遣使

求援於魏請為附庸

鄭康成曰附庸以國事附於大國也

丞相泰令東閣

祭酒榮權使於襄陽繹使司州刺史柳仲禮鎮竟陵以

圖督督懼遣其妃王氏及世子寮為質于魏

纂力么翻質音致

丞相泰欲經略江漢以開府儀同三司楊忠都督三荆

等十五州諸軍事鎮穰城仲禮至安陸安陸太守柳黜

以城降之

陽音協

仲禮留長史馬岫與其弟子禮守之帥

衆一萬趣襄陽泰遣楊忠及行臺僕射長孫儉將兵擊

仲禮以救磐

為西魏因磐而并釋張本

宋子仙乘勝度浙江至會

稽

會工外翻

邵陵王綸聞錢塘已敗出奔鄱陽

考異曰南史云東土皆

附綸臨城公大連懼將害己乃圖之綸覺之乃去今從典略

鄱陽內史開建侯蕃以

兵拒之

五代志開建縣屬熙平郡隋以熙平郡為連州

範進擊蕃破之

範當作綸

魏楊忠將至義陽太守馬伯符以下差城降之

五代志漢東郡

唐城縣後魏曰潏西置義陽郡西魏改潏西為下潏杜佑曰下潏戎在漢東郡東陽縣東南百餘里九域志唐

城在隨州西北八十五里左傳楚人除道梁嗟
營軍臨隨即此嗟水嗟音側駕翻字林壯加翻 忠以伯

符為鄉導

鄉讀曰嚮

伯符岫之子也

南郡王大連為東楊

州刺史時會稽豐沃勝兵數萬

會工外翻勝音升

糧仗山積東

土人懲侯景殘虐咸樂為用

樂音洛

而大連朝夕酣飲不

恤軍事司馬東陽留異凶狡殘暴為衆所患大連悉以

軍事委之十二月庚寅宋子仙攻會稽大連弃城走異

奔還鄉里尋以其衆降於子仙大連欲奔鄱陽異為子

仙鄉導追及大連於信安

漢獻帝初平二年分太末立新安縣晉武帝太康元年更

名信安五代志東陽郡信安縣有江山即今江山縣也
宋白曰信安縣漢太末縣地漢末為新安晉為信安唐
為衢州治所唐又分信安之南川為江山縣考異曰
輿略云十二月庚子朔擒大連按是月壬午朔今從太

清紀
執送建康帝聞之引帷自蔽掩袂而泣不忍見其子之俘執也

於是三吳盡沒於景公侯在會稽者俱南度嶺景以留

異為東陽太守

為後留異據東陽張本

收其妻子為質

質音致

乙

西東魏以并州刺史彭樂為司徒邵陵王綸進至九

江尋陽王大心以江州讓之綸不受引兵西上

上時掌翻

始興太守陳霸先結郡中豪傑欲討侯景郡人侯安都

張惲等各帥衆千餘人歸之

惲新茲翻又倉才翻

霸先遣主帥杜

僧明將二千人頓于嶺上

大度嶺也帥所類翻將即亮翻

廣州刺史蕭

勃遣人止之曰侯景驍雄天下無敵

驍堅翻

前者援軍十

萬士馬精彊猶不能克

謂柳仲禮等

君以區區之衆將何所

之如聞嶺北王侯又皆鼎沸親尋干戈

謂荆雍湘三州

以君疎

外詎可暗投

漢鄒陽曰明月之珠夜光之璧以暗投人於道路人無不按劍而相眄者無因而至

前也

未若且留始興遙張聲勢保太山之安也霸先曰僕

荷國恩往聞侯景渡江即欲赴援遭值元蘭梗我中道

荷下可翻元蘭謂
元景仲及蘭裕也

今京都覆沒君辱臣死誰敢愛命君

侯體則皇枝

蕭勃武帝從弟吳平
侯曷之子故云然

任重方岳遣僕一軍

猶賢乎已

猶賢乎已用孔子語已止也
此言猶勝乎止而不遣軍也

乃更止之乎乃

遣使間道詣江陵受湘東王繹節度

使疏吏翻
間古覓翻

時南康

土豪蔡路養起兵據郡勃乃以腹心譚世遠為曲江令

曲江縣漢屬桂陽郡吳
屬始興郡唐為韶州

與路養相結同遏霸先

為陳霸
先破蔡

路養
張本

魏楊忠拔隨郡執太守桓和

五代志漢東郡
隨縣舊置隨郡

東魏使金門公潘樂等將兵五萬襲司州刺史夏侯強

降之於是東魏盡有淮南之地

太清二年東魏使辛術略江淮之地至是方盡

有淮南之地

資治通鑑卷一百六十二

欽定四庫全書

資治通鑑卷一百六十三 宋 司馬光 撰

胡三省 音註

梁紀十九

上章敦
牂一年

太宗簡文皇帝上

諱綱字世讚小字六通武帝第三子昭明太子母弟也謚法平

易不墜曰簡學
勤好問曰文

大寶元年春正月辛亥朔大赦改元 陳霸先發始興

至大庾嶺

大庾嶺在今南安軍大庾縣西南二十里吳錄南野縣有大庾山自嶺嶠九磴二里至嶺

下平行十
里至平亭

蔡路養將二萬人軍於南野以拒之

南野縣漢屬豫

章郡晉屬南康郡劉昫曰唐韶州始興縣漢南野縣地宋白曰虔州之南康大庾嶺南雄州之始興皆漢南野

縣地輿地志今虔州龍南縣漢南野縣地將即亮翻

路養妻姪蘭陵蕭摩訶年十

三單騎出戰無敢當者杜僧明馬被傷

騎奇寄翻被皮義翻

陳霸

先救之授以所乘馬僧明上馬復戰

上時掌翻復扶又翻

衆軍因

而乘之路養大敗脫身走霸先進軍南康

考異曰太清紀在二月

今從陳帝紀

湘東王繹承制授霸先明威將軍交州刺史

戊辰東魏進太原公高洋位丞相都督中外諸軍錄尚

書事大行臺齊郡王

庚午邵陵王綸至江夏郢州刺

史南康王恪郊迎

南康當作南平參考前後及梁書可見夏戶雅翻

以州讓之

綸不受乃推綸爲假黃鉞都督中外諸軍事承制置百

官

考異曰太清紀云三月倫逼奪恪州徙恪於郡廨今從梁書典略

魏楊忠圍安陸柳

仲禮馳歸救之

去年仲禮將兵趣襄陽

諸將恐仲禮至則安陸難

下請急攻之

將即亮翻下同

忠曰攻守勢殊未可猝拔若引日

勞師表裏受敵非計也南人多習水軍不閑野戰仲禮

師在近路吾出其不意以奇兵襲之彼怠我奮一舉可

克克仲禮則安陸不攻自拔諸城可傳檄定也乃選騎

二千銜枚夜進敗仲禮於滌頭

敗補遼翻杜佑曰滌音崇水所衝曰滌考異

曰太清紀作潼頭在去

年十二月今從典故獲仲禮及其弟子禮盡俘其衆

馬岫以安陸別將王叔孫以竟陵皆降於忠

降戶江翻

於是

漢東之地盡入於魏國廣陵人來疑

疑魚力翻

說前廣陵太

守祖皓曰董紹先輕而無謀

輕率正翻

人情不附襲而殺之

此壯士之任也今欲糾帥義勇奉戴府君

帥讀曰率下同

若其

克捷可立桓文之勲必天未悔禍猶足爲梁室忠臣皓

曰此僕所願也乃相與糾合勇士得百餘人癸酉襲廣

陵斬南兖州刺史董紹先據城馳檄遠近推前太子舍

人蕭勔爲刺史

勔彌
充翻

仍結東魏爲援皓暉之子

祖暉見
一百四

十七卷武帝天監十二年諸本作
暉之子者衍一之字暉古鄧翻

勔勅之兄也乙亥景

遣郭元建帥衆奄至皓嬰城固守二月魏楊忠乘勝

至石頭

五代志竟陵郡長壽
縣後周置石頭郡

欲進逼江陵湘東王緯遣

舍人庾恪說忠曰誓來伐叔

說式芮翻來伐
事見上卷上年

而魏助之

何以使天下歸心忠遂停建北

建水之北也
建紀偃翻

繹遣舍人

王孝祀等送子方略爲質以求和魏人許之繹與忠盟

曰魏以石城爲封梁以安陸爲界請同附庸并送質子

質遷有無

質音致貿易也遷徙也徒有之無以相貿易質音茂

永敦隣睦忠乃還

遷從宣翻又如字

宕昌王梁彌定

宕徒浪翻

爲其宗人獠甘所襲

彌定奔魏獠甘自立羌酋傍乞鐵忽據渠株川

獠魯皓翻酋慈

秋翻

與渭川民鄭五醜合諸羌以叛魏丞相泰使大將軍

宇文貴涼州刺史史寧討之擒斬鐵忽五醜寧別擊獠

甘破之獠甘將百騎奔生羌鞏廉玉

生羌遠在塞外不羈屬於魏者騎奇

寄
寧復納彌定於宕昌置岷州於渠株川

五代志臨洮郡臨洮縣西

魏置溢樂縣并置岷州復扶又翻
進擊鞏廉玉斬獠甘虜廉玉送長安

侯景遣任約于慶等帥衆二萬攻諸藩

諸藩謂梁之宗室分任藩

維者任音壬帥讀曰率

邵陵王綸欲救河東王譽而兵糧不足

乃致書於湘東王繹曰天時地利不及人和

用孟子之言况

於手足肱支豈可相害今社稷危恥創巨痛深

禮記三年問曰

創巨者其疾久痛甚者其愈遲三年者稱情而立文所以爲至痛極也斬衰直杖居倚廬食粥寢苦枕塊所以爲至痛節唯應剖心嘗膽泣血枕戈

越王句踐卧薪嘗膽求以報吳晉劉琨枕

戈待旦志梟逆虜枕之任翻子執親喪泣血三年孔穎達曰說文哭哀聲也泣無聲出淚也則無聲謂之泣矣連言血者以淚出於目猶血出於體故以淚比血禮記曰子羔執親之喪泣血三年注曰無聲而血出是也

其餘小忿或宜容貰

貰貸也

若外難未除家禍仍構料今

訪古

難乃旦翻料音聊

未或不亡夫征戰之理唯求克勝至於

骨肉之戰愈勝愈酷捷則非功敗則有喪

喪息浪翻

勞兵損

義虧失多矣侯景之軍所以未窺江外者

荊州治江陵在江北故曰

江良爲藩屏盤固宗鎮彊密

爲于偽翻屏必郢翻

弟若陷洞庭

湘州

之地襟帶洞庭故謂湘州爲洞庭

不戢兵刃雍州疑迫何以自安必引

進魏軍以求形援

以綸之昏狂猶能言及於此蓋勢有所必至也戢阻立翻雍於用翻弟

若不安家國去矣必希解湘州之圍存社稷之計繹復

書陳譽過惡不赦

言其過大惡極法所不赦

且曰誓引揚忠來相侵

逼頗遵談笑用却秦軍

魯仲連談笑而却秦軍繹引此以爲大言

曲直有在

不復自陳

復扶又翻

臨湘旦平

臨湘縣自漢以來屬長沙郡時爲州郡治所隋改臨湘縣

曰長沙縣

暮便即路

即路就路也承上文而言若欲攻襄陽考之下文蓋謂討侯景

綸得書

投之於案慷慨流涕曰天下之事一至於斯湘州若敗

吾亡無日矣

綸知繹兵東下必將圖已故云然使在京口之時能思及此則何亡國喪身之有古

人所以重居安慮危居寵思畏者也史爲綸北奔張本

侯景遣侯子鑒帥舟師八

千自帥徒兵一萬

徒兵步兵也帥讀曰率下同

攻廣陵三日克之執

祖皓縛而射之箭徧體然後車裂以徇城中無少長皆

埋之於地馳馬射而殺之

射而亦翻少詩照翻長知兩翻考異曰太清紀曰城中

數百人典畧曰死者八千人今從南史

以子鑒爲南兖州刺史鎮廣陵

廣陵

之人既殲矣子鑒所鎮者空城耳

景還建康

丙戌以安陸王大春爲

東揚州刺史省吳州

景置吳州見上卷上年

乙巳以尚書僕射王

克爲左僕射

庚寅東魏以尚書令高隆之爲太保

宣城内史楊白華進據安吳

孫吳立安吳縣屬宣城郡隋省安吳入涇縣

侯

景遣子子悅帥衆攻之不克

東魏行臺辛術將兵入

寇圍陽平不克

侯景納上女溧陽公主甚愛之

溧音栗

三月甲申請上禊宴於樂遊苑

禊宴因祓禊而開宴禊胡計翻樂遊苑在玄武

湖南

帳飲三日上還宮景與公主共據御牀南面並坐羣

臣文武列坐侍宴

庚申東魏進丞相洋爵爲齊王

臨川内史始興王毅等擊莊鐵

王毅始興人毅即毅字後人傳寫變立爲三耳

鄮陽王範遣其將巴西侯瑱救之

瑱他甸翻

毅等敗死

鄮

陽世子嗣與任約戰於三章約敗走嗣因徙鎮三章謂

之安樂柵

去年鄱陽王範西上使世子嗣守安樂柵今移柵三章亦以安樂名柵樂音洛

夏

四月庚辰朔湘東王繹以上甲侯韶爲長沙王

上甲侯韶奔江

陵見上卷上年按梁書長沙王懿子淵業嗣封卒子孝儼嗣封又卒子齊嗣封齊懿曾孫也時在建康湘東以韶歸之遂以爲長沙王非禮也丙午侯景請上幸西州上御素輦侍

衛四百餘人景浴鐵數千翼衛左右

浴鐵者言鐵甲堅滑若以水浴之也

上聞絲竹悽然泣下命景起舞景亦請上起舞酒闌坐

散

生徂卧翻

上抱景于牀曰我念丞相景曰陛下如不念臣

臣何得至此逮夜乃罷時江南連年旱蝗江楊尤甚百

姓流亡相與入山谷江湖采草根木葉菱芡而食之

菱芡

也芡巨險翻說文曰鷄頭也方言曰南楚謂之鷄頭北燕謂之葭青徐淮泗之間謂之芡所在皆盡

死者蔽野富室無食皆烏面鵠形衣羅綺懷珠玉俯伏

牀帷待命聽終千里絕烟

衣於既翻烟與煙同

人迹罕見白骨成

聚如丘隴焉景性殘酷於石頭立大碓

碓都內翻

有犯法者

擣殺之常戒諸將曰破柵平城當淨殺之使天下知吾

威名故諸將每戰勝專以焚掠爲事斬刈人如草芥以

資戲笑由是百姓雖死終不附之

史言侯景將敗

又禁人偶語

犯者刑及外族

男子謂舅家爲外家婦人謂父母之家爲外家外族外家之族

爲其將

帥者悉稱行臺來降附者悉稱開府其親寄隆重者曰

左右廂公勇力兼人者曰庫直都督

南史侯景傳作庫真都督誤也

魏封皇子儒爲燕王公爲吳王

侯景召宋子仙還京

口

去年宋子仙克東揚州今召還京口

邵陵王綸在郢州以聽事爲正

陽殿內外齋閣悉加題署其部下陵暴軍府郢州將佐

莫不怨之諮議參軍江仲舉南平王恪之謀主也說恪

圖綸

說式芮翻

恪驚曰若我殺邵陵寧靜一鎮荆益兄弟必

皆內喜

帝既蒙塵綸於兄弟之次當立恪若除綸則人望歸於荆益必當內以爲喜時湘東王繹在荆

州武陵王

海內若平則以大義責我矣且巨逆未梟

巨逆

紀在益州

謂侯景梟謂梟其首梟堅堯翻

骨肉相殘自亡之道也卿且息之仲舉

不從部分諸將

分扶問翻

刻日將發謀泄綸壓殺之恪狼狽

往謝綸曰羣小所作非由兄也兇黨已斃兄勿深憂

南平

王恪偉之子

也於綸爲兄

王僧辯急攻長沙辛巳克之執河東王

譽斬之傳首江陵湘東王繹反其首而葬之

反其首於長沙與身

俱葬初世子方等之死

見上卷上年

臨蒸周鐵虎功最多

吳立臨蒸

縣以縣臨蒸水而名屬衡陽郡晉屬湘東郡鄴道元曰臨蒸即故鄴縣縣即湘東郡劉昫曰隋改臨蒸為衡陽

縣今衡州所治衡陽縣是也衡州志吳分鄴縣立臨蒸縣俯臨蒸水其氣如蒸姚思廉陳書曰周鐵虎不知何

許人梁世南度事河東王譽為臨蒸令如此則通鑑逸令字

譽委遇甚重僧辯得鐵

虎命烹之呼曰

呼火故翻

侯景未滅柰何殺壯士僧辯奇其

言而釋之還其麾下釋以僧辯為左衛將軍加侍中鎮

西長史繹自去歲聞高祖之喪以長沙未下故匿之壬

寅始發喪刻檀為高祖像置於百福殿事之甚謹動靜

必咨焉繹以為天子制於賊臣不肯從大寶之號猶稱

太清四年丙午繹下令大舉討侯景移檄遠近 鄱陽

王範至湓城以晉熙為晉州

晉安帝分廬江郡立晉熙郡五代志同安郡懷寧縣

舊置晉熙郡唐以同安郡為舒州

遣其世子嗣為刺史江州郡縣多輒

改易

改易郡縣守令也

尋陽王大心政令所行不出一郡

惟尋陽一

郡而

大心遣兵擊莊鐵嗣與鐵素善請發兵救之範遣

侯瑱帥精甲五千助鐵

瑱他甸翻又音鎮帥讀曰率下同

由是二鎮互

相猜忌無復討賊之志

復扶又翻

大心使徐嗣徽帥眾二千

築壘稽亭以備範

據齊書晉安王子懋傳子懋謀舉兵於江州宣城王遣裴叔業襲取湓城

子懋先已具船於稽亭渚聞叔業得湓城乃據州自衛則稽亭渚在江州城東也師讀曰率

市糴不

通範數萬之衆無所得食多餓死範憤恚疽發於背五

月乙卯卒

恚於避鞠考異曰典略作己酉今從大清紀

其衆祕不發喪奉範

弟安南侯恬為主有衆數千人

丙辰侯景以元思虔

為東道大行臺鎮錢唐丁巳以侯子璽為南兖州刺史

東魏齊王洋之為開府也

洋為開府見一百五十七卷武帝大同元年

勃

海高德政為管記

管記即記室參軍之職

由是親昵言無不盡

尼

質翻金紫光祿大夫丹陽徐之才北平太守廣宗宋景業

漢晉以來中山有北平縣後魏孝昌中分置北平郡屬定州廣宗縣漢屬鉅鹿郡後屬安平國後魏太和二十

一年分置廣宗

郡時屬司州

皆善圖識

識楚諧翻

以為太歲在午當有革

命因德政以白洋勸之受禪洋以告妻太妃太妃曰汝

父如龍兄如虎猶以天位不可妄據終身北面汝獨何

人欲行舜禹之事乎洋以告之才之才曰正為不及父

兄

為于偽翻

故宜早升尊位耳洋鑄像卜之而成乃使開府

儀同三司段韶問肆州刺史斛律金金來見洋固言不

可以宋景業首陳符命請殺之洋與諸貴議於太妃前

太妃曰吾兒懦直必無此心高德政樂禍教之耳

樂音洛

洋以人心不壹遣高德政如鄴察公卿之意未還洋擁

兵而東至平都城

九域志遼州遼山縣有平城鎮宋白曰遼州平城縣本漢涅縣地晉置武

鄉縣此地屬馬隋開皇十六年於趙簡子所立平都故城置平城縣

召諸勲貴議之莫敢

對長史杜弼曰闕西國之勦敵

謂宇文氏也勦渠京翻

若受魏禪

恐彼挾天子自稱義兵而東向

此天子謂西魏主

王何以待之

徐之才曰今與王爭天下者彼亦欲為王所爲縱其屈

彊

屈其勿翻
彊其兩翻

不過隨我稱帝耳弼無以應高德政至鄴

諷公卿莫有應者司馬子如逆洋於遼陽

遼陽縣自漢末以來屬樂

平郡隋開皇十一年改曰遼山縣我宋朝爲遼州治所

固言未可洋欲還倉丞李

集曰

北齊之制太倉及水次諸倉皆有令丞北齊紀作尚食丞李集

王來爲何事而今

欲還

爲子
偽翻

洋僞使於東門殺之而別令賜絹十匹遂還

晉陽自是居常不悅徐之才宋景業等曰陳陰陽雜占

云宜早受命高德政亦敦勸不已洋使術士李密卜之

遇大橫曰漢文之卦也

大橫見十三卷
漢高后八年

又使宋景業筮

之遇乾之鼎

乾之初九九五二爻動變而之鼎

曰乾君也鼎五月卦也

宜以仲夏受禪或曰五月不可入官犯之終於其位

陽陰

家之說上官忌正月五月九月

景業曰王爲天子無復下期

復扶又翻

豈得

不終於其位乎洋大悅乃發晉陽高德政錄在鄴諸事

條進於洋洋令左右陳山提馳驛齎事條并密書與楊

愔

愔於今翻

是月山提至鄴楊愔即召太常卿邢邵議造儀

注祕書監魏收草九錫禪讓勸進諸文

凡禪代皆奉表三讓百僚三表

勸進而後即位故令收預草諸文

引魏宗室諸王入北宮留於東齋甲

寅東魏進洋位相國總百揆備九錫洋行至前亭

前亭在晉

陽之東平都城之西

所乘馬忽倒意甚惡之至平都城不復肯進

惡鳥路翻復扶又翻

高德政徐之才苦請曰山提先去恐其漏泄

即命司馬子如杜弼馳驛續入觀察物情子如等至鄴

衆人以事勢已決無敢異言洋至鄴召夫

夫民夫也

齋築具

集城南高隆之請曰用此何爲洋作色曰我自有事君

何問爲欲族滅邪隆之謝而退於是作圓丘備法物丙

辰司空潘樂侍中張亮黃門郎趙彥深等求入啟事東

魏孝靜帝在昭陽殿見之亮曰五行遞運有始有終謂五

德之運以木代水以火代木以土代火以金代土以水代金也齊王聖德欽明萬方歸

仰願陛下遠法堯舜帝欽容曰此事推挹已久推吐雷翻挹遜

也謹當遜避又曰若爾須作制書中書郎崔劼裴讓之

曰劼丘八翻制已作訖使侍中楊愔進之東魏主既署曰居

朕何所惜對曰北城別有館宇乃下御坐步就東廊坐徂

卧翻詠范蔚宗後漢書贊曰獻生不辰身播國屯終我四

百永作虞賓范曄字蔚宗作後漢書此其贊獻帝之辭也賢注曰辰時也播遷也言獻帝生不逢

時身既播遷國又屯難也漢有天下四百年而運終虞
賓謂虞以堯子丹朱爲賓書曰虞賓在位蔚紆勿翻屯
陟倫
所司請發
所司謂掌禪代事者請發者請出宮
居別邸也此實楊惛等使人請之
帝

曰古人念遺簪弊履朕欲與六宮別可乎高隆之曰今

日天下猶陛下之天下況在六宮帝步入與妃嬪已下

別舉宮皆哭趙國李嬪誦陳思王詩云王其愛玉體俱

享黃髮期

曹植魏武帝之子封陳王謚曰思殯毗賓翻

直長趙道德以車一

乘候於東閣

直長官名凡殿中諸局各有奉御有直長趙道德蓋尚乘直長也亦高氏之私人東

閣即東閣門長竹兩翻乘絕證翻

帝登車道德超上抱之

上時掌翻

帝叱之

曰朕自畏天順人何物奴敢逼人如此道德猶不下出

雲龍門王公百僚拜辭高隆之灑泣遂入北城居司馬

子如南宅

司馬子如有宅在太原故謂鄴城之宅爲南宅

遣太尉彭城王韶等

奉璽綬禪位于齊

璽斯氏翻綬音受東魏十六年而亡考異曰北齊書北史高德政傳云

五月六日留咸陽王坦等七日司馬子如等至鄴九日

文宣至城南頓案後魏書北史帝紀皆云辛亥王如鄴

甲寅加九錫丙辰魏主遜位戊午王即帝位典略辛亥

王還鄴以長歷推之此月己酉朔皆不與德政傳日相

應蓋辛亥始自晉陽

戊午齊王即皇帝位于南郊

帝諱

如鄴非到鄴之日也

洋字子進勃海王高歡第二子澄之母弟也歡以勃海王贈齊王洋又進爵齊王且高氏本勃海人勃海故齊

地也國遂
號曰齊

大赦改元天保自魏敬宗以來百官絕祿至

是始復給之

復扶
又翻

已未封東魏主為中山王待以不臣

之禮追尊齊獻武王為獻武皇帝廟號太祖後改為高

祖文襄王為文襄皇帝廟號世宗辛酉尊王太后婁氏

為皇太后乙丑降魏朝封爵有差其宣力霸朝

自高歡
起兵以

來諸勲貴皆宣力霸

及西南投化者不在降限

謂自關
西及江

南來
朝者也朝直遙翻

文成侯寧起兵於吳有衆萬人已已進攻吳郡

投者

吳郡帶吳縣寧蓋起兵於吳縣界進攻吳郡城也按侯
景傳寧起兵於吳西鄉去年陸緝等推寧據吳郡宋子

仙擊之敗走令
復起兵於西鄉

行吳郡事侯子榮逆擊殺之寧範之弟

也子榮因縱兵大掠郡境自晉氏渡江三吳最為富庶
貢賦商旅皆出其地及侯景之亂掠金帛既盡乃掠人
而食之或賣於北境遺民殆盡矣是時唯荆益所部尚
完實太尉益州刺史武陵王紀移告征鎮使世子圓照
帥兵三萬受湘東王節度

帥讀
曰率

圓照軍至巴水

巴郡巴
縣有巴

水水折三迴如巴字巴郡唐為渝州

考異曰南史云

六月辛酉紀遣圓照東下按六月己卯朔無辛酉典畧

在五月或者

繹授以信州刺史令屯白帝

梁置信州於
白帝唐改夔

五月辛酉歟

州
未許東下 六月辛巳以南郡王大連行揚州事

江夏王大欵山陽王大成宜都王大封自信安間道奔

江陵

間古
覓翻

齊主封宗室高岳等十人功臣庫狄干等

七人皆爲王

高岳及隆之歸彥思宗長弼普子瑗顯國
獻孝緒凡十人庫狄干斛律金賀拔仁韓

執可朱渾道元彭
樂潘相樂凡七人

癸未封弟浚爲永安王淹爲平陽王

浹爲彭城王演爲常山王渙爲上黨王洸爲襄城王湛

爲長廣王潛爲任城王

洸以周翻清音
育潛戶皆翻

湜爲高陽王濟

爲博陵王凝爲新平王潤爲馮翊王洽爲漢陽王 鄴

陽王範既卒侯瑱往依莊鐵鐵忌之瑱不自安丙戌詐引鐵謀事因殺之自據豫章尋陽王大心遣徐嗣徽夜襲湓城安南侯恬裴之橫等擊走之齊主娶趙郡

李希宗之女生子殷及紹德又納段韶之妹及將建中宮高隆之高德政欲結勲貴之援乃言漢婦人不可爲

天下母宜更擇美配帝不從丁亥立李氏爲皇后

考異曰

典畧在五月乙丑今從北齊帝紀

以段氏爲昭儀子殷爲皇太子庚寅

以庫狄干爲太宰彭樂爲太尉潘相樂爲司徒司馬子

如爲司空辛卯以清河王岳爲司州牧 侯景以羊鴉

仁爲五兵尚書庾子鴉仁出奔江西將赴江陵至東莞

南徐州有東莞郡不在江西

盜疑其懷金邀殺之

考異曰

意者東莞其東關之誤歟
太清紀在十月今從梁帝紀典畧

魏人欲令岳陽王譽發哀嗣位

辭不受丞相泰使榮權冊命譽爲梁王始建臺置百官

譽字理孫武帝之孫

陳霸先修崎頭古城徙居之

崎渠

希翻曲岸曰崎九域志南安軍治大庾縣古南野也有南康古城又有峽頭鎮

初燕昭成帝

奔高麗

見一百二十三卷宋文帝元嘉十三年麗力知翻

使其族人馮業以三

百人浮海奔宋因留新會

晉恭帝元熙二年分南海郡立新會郡隋唐爲新會縣屬

廣州九域志新會縣在廣州之西南三百三十里

自業至孫融世爲羅州刺史

五代志高涼郡石龍縣舊置羅州我朝爲化州治所

融子寶爲高涼太守

高涼縣漢屬合

浦郡獻帝建安二十二年

高涼洗氏

洗音銑丁度集韻姓國名或作邾姓

吳分立高涼郡梁置高州氏韻纂又音綿

考異曰

世爲蠻酋

酋慈秋翻

部落十餘萬

典畧作沈氏今從隋書

家有女多籌略善用兵諸洞皆服其信義融聘以爲寶

婦融雖累世爲方伯非其土人號令不行洗氏約束本

宗使從民禮每與寶參決辭訟首領有犯雖親戚無所

縱舍

舍讀曰捨

由是馮氏始得行其政高州刺史李遷仕據

大臯口

五代志高涼郡梁置高州

遣使召寶

使疏吏翻下同

寶欲往洗氏止

之曰刺史無故不應召太守必欲詐君共反耳寶曰何

以知之洗氏曰刺史被召援臺

被皮義翻

乃稱有疾鑄兵聚

衆而後召君此必欲質君以發君之兵也

質音致

願且無

往以觀其變數日遷仕果反遣主帥杜平虜將兵入瀨

石城魚梁以逼南康

帥所類翻魚梁亦地名近瀨石瀨古暗翻

霸先使周文

育擊之洗氏謂寶曰平虜驍將也

驍堅亮翻將即亮翻下同

今入瀨

石與官軍相拒勢未得還遷仕在州無能爲也君若自

往必有戰鬪宜遣使卑辭厚禮告之曰身未敢出欲遣

婦參彼聞之必憚而無備

意與喜同

我將千餘人步擔雜物

唱言輸賂

擔都甘鞠賂吐溫鞠

得至柵下破之必矣寶從之遷仕

果不設備洗氏襲擊大破之遷仕走保寧都

吳分漢贛縣立陽都

縣晉武太康元年更名寧都五代志南康虔化縣舊曰寧都

文育亦擊走平虜據其

城洗氏與霸先會于潑石還謂寶曰陳都督非常人也

甚得衆心必能平賊君宜厚資之湘東王繹以霸先爲

豫州刺史領豫章內史 辛丑裴之橫攻稽亭徐嗣徽

擊走之 秋七月辛亥齊立世宗妃元氏爲文襄皇后

后東魏孝
靜帝女

宮曰靜德又封世宗子孝琬爲河間王孝瑜

爲河南王乙卯以尚書令封隆之錄尚書事尚書左僕

射平陽王淹爲尚書令 辛酉梁王譽入朝於魏

自此
魏益

厚譽矣朝

初東魏遣儀同武威牒雲洛等

雲當作云
牒云虜複

直還翻

姓柔然阿那瓌之求附於魏也魏遣

牒云具仁往使牒云之爲姓尚矣

迎鄴陽世子嗣使

鎮皖城

劉昫曰懷寧宿松望江太湖等縣皆漢皖
縣地蓋比城即皖縣古城也皖戶板翻

嗣未

及行任約軍至洛等引去嗣遂失援出戰敗死約遂略

地至湓城尋陽王大心遣司馬韋質出戰而敗帳下猶

有戰士千餘人咸勸大心走保建州

後漢汝南郡有苞信縣江左僑置於

弋陽界五代志弋陽郡殷城縣舊曰苞信梁置義城郡及建州帳下勸大心走保之者便於入齊也九域志殷城縣併入固始大心不能用戊辰以江州降約先是大心使太

子洗馬韋臧鎮建昌

降戶江翻下同先悉薦翻洗亦同音

有甲士五千聞

尋陽不守欲帥衆奔江陵

帥讀曰率下同

未發爲麾下所殺臧

繫之子也

太清三年青塘之戰韋繫死之

子慶略地至豫章侯瑱力屈

降之慶送瑱於建康景以瑱同姓待之甚厚留其妻子

及弟為質

質音致

遣瑱隨慶徇蠡南諸郡

蠡南謂彭蠡湖以南也

以

瑱為湘州刺史

考異曰太清紀在十一月今從典畧

初巴山人黃灋麁

有勇力

五代志臨川郡崇仁縣梁置巴山郡劉昫曰吳分臨汝為新建縣梁置巴山郡麁巨俱翻

疾

景之亂合徒眾保鄉里太守賀詡下江州

自巴山順流赴江州為下

命灋麁監郡事

監工衙翻

灋麁屯新淦于慶自豫章分兵襲

新淦

新淦縣漢屬豫章郡五代志屬廬陵郡淦古暗翻

灋麁敗之

敗補遙翻

陳霸先

使周文育進軍擊慶灋麁引兵會之邵陵王綸聞任

約將至使司馬蔣思安將精兵五千襲之約衆潰思安

不設備約收兵襲之思安敗走 湘東王繹改宜都爲

宜州

沈約曰劉備分南郡立宜都郡梁以宜都郡置宜州隋并宜都入夷陵郡

以王琳爲刺

史 是月以南郡王大連爲江州刺史 魏丞相泰以

齊主稱帝帥諸軍討之

帥讀曰率下同

以齊王廓鎮隴右徵秦

州刺史宇文導爲大將軍都督二十三州諸軍事屯咸

陽鎮關中 益州沙門孫天英帥徒數千人夜攻州城

武陵王紀與戰斬之 邵陵王綸大脩鎧仗將討侯景

湘東王繹惡之

惡綸由此兵力益強將不利於已也惡烏路翻

八月甲午遣左

衛將軍王僧辯信州刺史鮑泉等帥舟師一萬東趣江

郢

起七喻翻僧辯按太清紀事在八月末今從梁簡文帝紀

考異曰典略云九月戊申朔繹遣

聲言

拒任約且云迎邵陵王還江陵授以湘州齊王初立

勵精爲治

治直吏翻

趙道德以事屬黎陽太守清河房超

屬之

欲翻下請屬同守式又翻

超不發書牾殺其使

魏收志孝昌中分汲郡置黎陽郡屬司州

治黎陽城格步頃翻使疏吏翻下同

齊主善之命守宰各設牾以誅屬請

之使久之都官中郎宋軌奏曰

中郎當作郎中五代志都官郎中掌畿內非爲

得失事北齊制也

若受使請賕猶致大戮身爲枉瀆何以加罪

乃罷之司都功曹張老上書請定齊律

司都功曹司州之功曹也時都

鄴以鄴爲司州治所按北齊主或居晉陽不常居鄴也

詔右僕射薛琚等取魏麟

趾格更討論損益之

麟趾格見一百五十八卷武帝大同七年琚昌六翻

齊主簡

練六坊之人每一人必當百人任其臨陳必死

魏齊之間六軍

宿衛之士分爲六坊任保任也陳讀曰陣

然後取之謂之百保鮮卑

百保言其勇可

係一人當百人也高氏以鮮卑創業當時號爲健關故衛士皆用鮮卑猶今北人謂勇士爲霸都魯也

又

簡華人之勇力絕倫者謂之勇士以備邊要

邊要邊上要害之地

始立九等之戶

戶有上中下三等每等又分上中下是為九等

富者稅其錢貧

者役其力

九月丁巳魏軍發長安

發長安而東伐齊

王僧

辯軍至鸚鵡

鸚鵡洲在江夏江中昔黃祖使禰衡賦鸚鵡賦於此洲因以得名洲之下即黃鵠磯

郢州司馬劉龍虎等潛送質於僧辯

質者致

邵陵王綸聞

之遣其子威正侯礪將兵擊之

礪職日翻

龍虎敗奔于僧辯

綸以書責僧辯曰將軍前年殺人之姪

謂殺河東王譽也

今歲

伐人之兄

綸於釋兄也

以此求榮恐天下不許僧辯送書於

湘東王繹繹命進軍辛酉綸集其麾下於西園

園在郢城西偏

故曰西園又有東
園在城東東湖上
涕泣言曰我本無他志在滅賊湘東

常謂與之爭帝遂爾見伐今日欲守則交絕糧儲欲戰

則取笑千載

載子
亥翻

不容無事受縛當於下流避之麾下

壯士爭請出戰綸不從與礮自倉門登舟北出

據姚思
廉梁書

倉門郢城北
門帶江阻險

僧辯入據郢州繹以南平王恪爲尚書令

開府儀同三司世子方諸爲郢州刺史王僧辯爲領軍

將軍綸遇鎮東將軍裴之高於道之高之子畿掠其軍

器綸與左右輕舟奔武昌澗飲寺

武昌今壽
昌軍是也

僧灝馨匿

綸於巖穴之下綸長史韋質司馬姜律等聞綸尚在馳

往迎之說七柵流民以求糧仗

時流民於北江州結七柵以相保說式茂翻

綸出營巴水流民八九千人附之稍收散卒屯于齊昌

據魏收志梁武帝置北江州治鹿城關領義陽齊昌新

昌梁安齊興光城郡五代志黃州木蘭縣梁曰梁安郡

又有義陽郡後齊置湘州後改曰北江州則齊昌亦當

在木蘭縣界唐省木蘭入黃岡縣宋白曰吳置新春郡

晉惠帝改西陽郡南齊北齊

改西陽爲齊昌郡唐爲蘄州

遣使請和于齊

使疏吏翻

齊以

綸爲梁王 湘東王繹改封皇子大款爲臨川王大成

爲桂陽王大封爲汝南王 癸亥魏軍至潼關 庚午

齊主如晉陽命太子殷居涼風堂監國

據北史齊樂陵王百年傳涼風

堂在鄴宮玄都

南郡王中兵參軍張彪等

南郡王大連之鎮會

苑監工衛翻

稽也以張彪

爲中兵參軍

起兵於若邪山

若邪山在今越州東南四十里

攻破浙東

諸縣有衆數萬吳郡人陸令公等說太守南海王大臨

往依之

說式芮翻

大臨曰彪若成功不資我力如其撓敗

撓奴

教翻杜預曰撓

曲也勢屈爲撓

以我自解

言將歸罪於大臨以自解於侯景

不可往也

任約進寇西陽武昌初寧州刺史彭城徐文盛募兵

數萬人討侯景湘東王繹以爲秦州刺史

五代志江都郡六合縣舊

置秦郡後齊置秦州抑梁已置之歟

使將兵東下與約過於武昌繹以盧

陵王應爲江州刺史以文盛爲長史行府州事督諸將

拒之

將即亮翻下同

應續之子也

廬陵王續卒於武帝太清元年

邵陵王綸引

齊兵未至移營馬柵距西陽八十里

西陽即今黃州黃岡縣古之郢城也

任約聞之遣儀同叱羅子通等將鐵騎二百襲之

叱羅虜複

姓騎奇

寄翻

綸不爲備策馬亡走時湘東王繹亦與齊連和

故齊人觀望不助綸定州刺史田祖龍迎綸綸以祖龍

爲繹所厚懼爲所執復歸齊昌

復扶又翻

行至汝南魏所署

汝南城主李素綸之故吏也開城納之

魏收志郢州有汝南郡治上蔡

縣五代志竟陵郡舊置郢州所領有漢東縣舊曰上蔡則汝南城即漢東縣城也又按姚思廉梁書汝南治安陸重城宋白曰晉汝南郡人流寓夏口因僞立汝南郡汝南縣於潼口荆湘記云金水北岸有汝南舊城是也

任約遂據西陽武昌

考異曰梁帝紀在十一月今從太清紀

裴之高帥

子弟部曲千餘人至夏首

帥讀曰率夏戶雅翻

湘東王繹召之以

爲新興永寧二郡太守

新興郡置於江陵縣界永安郡置於襄陽南漳縣界

又以

南平王恪爲武州刺史鎮武陵

武陵唐爲朗州至我朝改爲鼎州

初

邵陵王綸以衡陽王獻爲齊州刺史鎮齊昌任約擊擒

之送建康殺之

考異曰梁帝紀在十一月今從太清紀獻暢之孫也

暢武帝之

孫

乙亥進侯景位相國封二十郡爲漢王加殊禮

岳陽王譽還襄陽

自朝魏而還也前已書譽梁王矣今復書譽舊爵以義例言之合改正

黎州民攻刺史張賁賁弃城走

五代志義城郡梁曰黎州唐之利州是也

州民引氏酋北益州刺史楊法琛據黎州

魏以武興爲東益州氏王

楊氏居之梁蓋以爲北益州按下卷楊法琛治平興則梁置北益州於平興也酋慈秋翻

命王賈二

姓詣武陵王紀請法琛爲刺史紀深責之囚法琛質子

崇顥崇虎

質音致顥魚容翻

冬十月丁丑朔法琛遣使附魏

使疏

吏 已卯齊主至晉陽宮

晉陽宮齊獻武王所置唐志晉陽宮在北都之西北宮城

周二千五百二十步都城左汾右晉潛丘在中長四千

三百二十一步廣三千一百二十二步周萬五千一百

五十三步汾

東曰東城

廣武王長弼與并州刺史段韶不協齊主

將如晉陽長弼言於帝曰韶擁彊兵在彼恐不如人意

言恐韶

豈可徑往投之帝不聽既至以長弼語告之曰

為變

如君忠誠人猶有讒況其餘乎長弼永樂之弟也

高永樂不

內高昂使之喪元長弼又讒

段韶高歡父子為失刑矣

乙酉以特進元韶為尚書

左僕射段韶為右僕射

乙未侯景自加宇宙大將軍

都督六合諸軍事以詔文呈上上驚曰將軍乃有宇宙之號乎立皇子大鈞爲西陽王大威爲武寧王大球

爲建安王大昕爲義安王

蕭子顯齊志寧蠻府所領有義安郡

大摯爲綏

建王

沈約志宋文帝元嘉十三年立綏建郡於漢南海郡四會縣也

大圜爲樂梁

樂梁史無

所考此時諸王所封皆郡名也當在大同中所分二十餘州不知處所之數考異曰太清紀在十一月十四

日今從

梁帝紀

齊東徐州刺史行臺辛術鎮下邳十一月侯

景徵租入建康術帥衆度淮斷之

帥讀曰率斷音短

燒其穀百

萬石遂圍陽平景行臺郭元建引兵救之壬戌術略三

千餘家還下邳 武陵王紀帥諸軍發成都

考異曰南史云十

一月壬寅按是月

壬子朔無壬寅

湘東王繹遣使以書止之曰蜀人勇

悍易動難安

使疏吏翻易弋鼓翻

弟可鎮之吾自當滅賊又別紙

曰地擬孫劉各安境界情深魯衛書信恒通

地擬孫劉欲吳蜀各

爲一國也情深魯衛

謂兄弟也恒戶登翻

甲子南平王恪帥文武拜賤推

湘東王繹爲相國總百揆繹不許 魏丞相泰自弘農

爲橋濟河至建州丙寅齊主自將出頓東城

即晉陽之東城也將

即亮翻

泰聞其軍容嚴盛歎曰高歡不死矣會久雨自秋

及冬魏軍畜產多死乃自蒲阪還於是河南自洛陽河

北自平陽已東皆入于齊

邊民見魏師無功齊能自立心無反側疆場遂定

丁卯徐文盛軍貝磯任約帥水軍逆戰

帥讀曰率

文盛大破

之斬叱羅子通趙威方仍進軍大舉口

水經注江水東過郛縣南東逕

白虎磯北又東逕貝磯北又東逕黎磯

北北岸烽火洲

即舉州也北對舉口舉水出龜頭山逕

梁定州城南又

逕梁司豫州城東又南歷齊安郡西又東南歷赤亭下分爲二水南流注于江

侯景遣宋子仙

等將兵二萬助約

將即亮翻

以約守西陽久不能進自出屯

晉熙

考異曰典略七月景軍次滿須使梁仲宣知留府事按典略九月景請梁妃主同宴梁帝紀十月

乙未景逼太宗幸西州不密七月已在濡須今因南康王會理事見之太清紀梁書典畧晉熙皆作皖口今從南史

南康王會理以建康空虛與太子左衛將軍柳敬禮

西鄉侯勸東鄉侯勸

勸彌充翻

謀起兵誅王偉安樂侯又理

出奔長蘆

今其州六合縣有長蘆鎮及長蘆寺淳熙十二年徙寺於滁口山之東張舜民曰長蘆鎮

在滁河西南

集衆得千餘人建安侯貴中宿世子子邕知其

謀

中宿世子中宿侯之子也沈約曰中宿漢舊縣屬南海郡吳度屬始興郡

以告偉偉收

會理敬禮勸及會理弟祁陽侯通理俱殺之

沈約曰祁陽縣

吳立屬零陵郡

考異曰典畧云十二月癸未建安侯貴等告會理按梁帝紀十月壬寅景嘗會理今從太清

紀

又理爲左右所殺錢塘褚冕以會理故舊捶掠千計

捶止藥翻

掠音亮

終無異言會理隔壁謂之曰褚郎卿豈不爲

我致此

爲子
偽翻

卿雖忍死明我我心實欲殺賊冕竟不服

景乃宥之勸曷之子賁正德之弟子子邕憺之孫也

音曷

丙憺徒敢翻

又徒濫翻

帝自即位以來景防衛甚嚴外人莫得進

見

見賢
造翻

唯武林侯詔及僕射王克舍人殷不害並以文

弱得出入卧内帝與之講論而已及會理死克不害懼

禍稍自疎詔獨不離帝

離力
智翻

朝請無絕景惡之使其仇

人刁戍刺殺詔於廣莫門外

朝直遙翻惡鳥路翻刺七亦翻考異曰太清紀在

會理死前

帝之即位也景與帝登重雲殿

據梁紀重雲殿在華林園

今從南史

項安世曰梁華林園重雲殿前置銅儀重直龍翻

禮佛爲誓云自今君臣兩無

猜貳臣固不負陛下陛下亦不得負臣及會理謀泄景

疑帝知之故殺詔帝自知不久指所居殿謂殷不害曰

龐涓當死此下景自帥衆討楊白華于宣城白華力屈

而降景以其北人

楊白華大眼之子魏胡太后私幸之白華懼禍奔梁帥讀曰率華讀曰花

降戶江翻

全之以爲左民尚書誅其兄子彬以報來亮之怨

楊白華殺來亮見
上卷太清三年

十二月丙子朔景封建安侯賁爲竟

陵王中宿世子子邕爲隨王仍賜姓侯氏

侯景賞其告
會理之功也

辛丑齊主還鄴

自晉陽
還也

邵陵王綸在汝南脩城池

集士卒將圖安陸魏安州刺史馬祐以告丞相泰

五代
志安

陸郡梁置南司州西魏
改曰安州今爲德安府

泰遣楊忠將萬人救安陸

將即
亮翻

武陵王紀遣潼州刺史楊乾運南梁州刺史譙淹合

兵二萬討楊法琛

元和郡縣志梓潼郡
梁置潼州潼音同

法琛發兵據劔

閣以拒之

侯景還建康

自晉熙
還也

初魏敬宗以爾朱

榮爲柱國大將軍

柱國大將軍魏初官也世祖以加太尉長孫嵩

位在丞相上

榮敗此官遂廢大統三年文帝復以丞相恭爲之

又復扶

其後功參佐命望實俱重者亦居此官凡八人曰安定

公宇文泰廣陵王欣趙郡公李弼隴西公李虎河內公

獨孤信南陽公趙貴常山公于謹彭城公侯莫陳崇謂

之八柱國泰始籍民之才力者爲府兵身組庸調一切

蜀之

唐府兵之法本諸此凡受田之丁歲輸粟謂之租隨鄉所出每丁歲輸絹綾純布絲麻非糞鄉則歲

輸銀謂之調用人之力歲二十日閏加二日不役者日爲絹三尺謂之庸調徒疋絹

以農隙講閱

戰陳馬畜糧備六家供之合為百府每府一郎將主之

將即亮翻

分屬二十四軍泰任總百揆督中外諸軍欣以宗

室宿望從容禁闥而已

陳讀曰陣從十容翻

餘六人各督二大將

軍凡十二大將軍

平王元贊淮王元育齊王元廓章武郡公宇文導平原郡公侯莫陳順

高陽郡公達奚武陽平公李遠范陽公豆盧寧化政公宇文貴博陵公賀蘭祥陳留公楊忠武威公王雄凡十

二人皆使待節大將軍

每大將軍各統開府二人開府各領一軍

是後功臣位至柱國大將軍開府儀同三司儀同三司

者甚衆率為散官無所統御雖有繼掌其事者聞望皆

出諸公之下云


散惡靈翻
開音問

齊主命散騎侍郎宋景業

造天保歷行之

時齊主命景業叶圖識造天保歷景業
奏依握誠圖及元命包言齊受禪之期

當魏終之紀得乘三十五以為部應六
百七十六以為章齊主大悅乃施用之



資治通鑑卷一百六十三